

衷

聖

齋

詩

集

袁聖齋詩集目錄

卷上

觀音巖津口

幽林

野外

山中

秋晚

漢口

飄湖

硯池

幼聘

觀音灘

失題

古松

江南

滬上舟中

上鮑爵帥春霆時方大修第

夜坐

感物四首

繼聘

懷家訪廷啓勛秀才

幽居

春感

梨花盛開忽有寄興

題友人山莊

重九避風不出

石王溪夜步

桂香池

隆興寺

竹巖洞

拜泗淪丈墓

留別友人

夔州

峽門

澗瀨石

峽江巨石奇惡賦詩紀之

水程

河南夜發

河閒贈友人別

洋芍藥感賦

在京寄內

鄉夢

贈陳汝霖

舟夜

巫峽石

至家

賦盆池中小巫峯石

題過伯安畫魚

山居秋夜客至

榕蟒

讀史

寄題友人山莊

晚興

普安砦晚晴書屋

偕仲弟光筑過江登北原

山行遇雨

遊東山寺偕放廷山下人家有花不入

羅漢寺

福田寺

讀易洞

君子石

觀音灘渡口

鵝寶山訪曾處士

晚晴別墅

觀我石塘  
木葉移

迎江草亭  
游窟習集

陶家樹  
借隱齋

露坐

七夕

天河二首

睡起

大觀樓敘州

敘州主黃鏡湖因贈

飲杜樞齋家偕鏡湖

瀘州登忠山感賦時海  
南一  
首

瀘州忠山訪來青園四首

遊方山題慶雲岩

瀘州載書歸泊通灘

買舟載花歸口占

蟋蟀

蜻蜓

蟬

鸚鵡

八哥

松鼠

斑竹

黑竹

夢中

排悶

述懷咏物詩

枕上偶成

哭胡正之世杰秀才二首

夢正之

過正之夫婦野瘞處

山居

山行

感事

述張靜山

望峨眉山

峨眉山麓

虎溪橋

觀蔣超書伏虎寺額

華陽山人墓

大峨寺

清音閣

清音閣

雙飛橋

雙飛橋

臨寶見溪危石上小坐

登化遊坡

玉液泉

龍昇岡

古化成寺

羅漢三坪

大小雲壑

大坪

大坪

仙姑彈琴池

象鼻崖

鑽天坡

洪春坪

九老洞

九老洞

九老洞陰岩積雪

接引殿

雷洞坪

雷洞坪

華嚴頂

金剛臺

小金剛臺

天門石

錫瓦殿

白龍池

一白龍浮水如蜥蜴

由八十四盤

宿光相寺

華藏寺

華藏寺銅殿

寶雲菴

峨眉山頂見月

峨眉最高頂

夜燈

接引殿望絕頂

華嚴頂

白水寺

龍門峽

古犀角河

青城山口

遊青城山

遊青城山

遊峨眉歸偶成

自題遊峨眉詩後



卷下

老松

白蓮

秋江怨別

戊子三月赴京始發瀘州

忠州

一舟

瞿唐

峽中阻雨

峽中見桃花

巫峽

巫峽舟中望江山九峯

新灘

晚泊漢陽

遊思

九江望廬山

天津弔謝忠愍公

京寓

憫思寺

天甯寺

繩兒生

送張安圃師

偕仁齋過萬柳堂

懷錢辛伯

九日京師

城南行

美酒行

盜棗謠

感懷

重陽風雨志感

神山

百感

庚寅五月京師大雨水

朝氣

對月

秋夜憶弟

遊翠微山

臥佛寺

臥佛寺夜宿聽人談關外形勝

碧雲寺溪橋

登碧雲寺塔座有感

天僊昌運觀

聽崔儀臣談黃山之勝

儀臣惠黃山白朮

重葺張忠烈公墓

京師菊花

先祖生日

白雪吟

水仙

寒宵京寓

雜詩

壬辰九月偕袁吉雲

林玉珊惠雞毫筆

庚寅除夕守歲

有感

雨後杏花樹下

不酒思飲

萬壽山

寄之寄蘆墟圃

京寓小園

屯海陵

遠心

隱思

不見

得趣

感事

送楊挺之之官溧陽

送曾憲齋兵部培改官山東

厚村屢有北來之約

雜感

遣憤

猿鶴

守拙

聞人說永定河決隄之異

過蘆溝橋觀今夏大水

送宋檢討

送蔣達宣改官廣東

潞河舟夜

汎海舟中懷寄張大成孝廉

黑水洋

杭州買陸放翁集

乘鯉門輪船至廣州

廣州

海色

偕蔣達宣茂璧遊粵秀山

舟過蘇村

夜發峯寺

望羅浮

羅浮山半大風不得上

羅浮山中聽客彈琴

黃龍觀

黃龍觀前梅樹

宿黃龍觀

白鶴觀

沖虛觀

沖虛觀

九子潭舟中作

博羅

朝雲墓

南來

過當風嶺

白雲山吊賴義士松

瑞金龍頭山中

登南康府門望五老峯

聞鴈念舍弟光筑北上未至

贈傅桐澂

題紫芋建南行役圖

徐蔭師壽八十

答澂蘭觀予宅杏花見懷之作

厚村還蜀作詩送之

送唐融川大令之任來賓

京師蔬菜有最美者漫賦

送桐澂之任鳳翔

送雲坳出守梧州

楚枻大令將行因乞其詩作此以贈

送鄧暢甫員外歸湖南

輓劉雲坳太守

觀音灘

春。綠。春。幽。遇。野。橙。立。拳。驚。忽。驚。銜。得。魚。飛。過。蝦。蟇。渡。

觀音灘

沙。瀨。月。有。聲。娟。娟。何。妙。可。夜。涼。足。清。絕。時。復。見。漁。火。

幽林

幽林不逢人。空澗響鳴樵。時睹麋鹿蹤。疏疏碎黃葉。

失題

彩翠浴鳴禽。孤舟泊斜暝。佳人杳難卽。心與雲俱遠。

野外

富順劉光第裴村著

獨立極蒼茫。夕陽臨迥野。風吹萬里心。歸鶴長松下。

古松

松根有茯苓。呼童且休刷。不見今時枝。猶爲古人綠。

山中

山路不逢人。舉頭忽歸鳥。茅亭暝色多。斜日下林杪。

江南

江南逢八月。春風猶未歸。萬綠接平曠。山山橫翠微。

秋晚

松口來雲斷。江陰秀嶺浮。一帆斜日裏。又過秣陵秋。

滬上舟中

四邊水底見繁星。遠望吳淞夜大青。江靜忽聞船角動。西風吹帽酒人醒。



漢口

江上西風飄萬艘。帆檣如陣挂旗旄。昔年苦戰君須記。漢口夕陽秋浪高。

上鮑爵帥春霆時方大修第

將星耿耿鍾夔岳。世局艱難待枕戈。臣子傷心在何處。圓明園外野烟多。

飄湖

孤雁春中兩酒撓。萬荷香裏一詩瓢。吟身夢渡西湖月。飛過錢塘看夜潮。

夜坐

暝色忽然墮。飛月投我前。是孰使之來。試究昔人篇。南風吹草蟲。已得霜氣先。誰言夏夜雲。淡若秋空煙。何必鷹隼擊。徂落自此傳。治我菊與梅。且及明晨天。寒花有佳朝。未覺春日妍。候稽意已引。節往興能還。坐覽元化流。運之方寸閒。

硯池

筆端剩有蛟龍渴。忽得天池飲紫毫。百代儒林資灌溉。幾人學海足波濤。  
楊花堆雪時研易。荷露分香好續騷。慧業堅心須福命。十年磨鐵羨長刀。

感物四首

白小聚盤沼。志若忘江湖。雖在嵌石閒。浮浮三島俱。水哉氣爲母。投母泣  
則枯。海風扇鯨鯢。橫天飛獸軀。人生固不化。形近心萬殊。

其二

蛾子營腥羶。快據萬古穴。么麼磨誰責。咎處身自不潔。苦鬬供一飽。羣命竭  
膏血。豈無知雨智。欲深禍乃烈。鱖鯉今在淵。鸛鳥方鳴埵。

其三

南窗數飛蟲。鵲鵲消其目。一朝左盤龍。萬古誰云促。變化因得制。在物各

有獨至人藉驅除。雄醜亦吞逐。道與氣爲推。天從強弱肉。

其四

竹蠹鳴鼓簧。君子防所傾。鑽刺有羣小。隕茲高節名。鮮甜薦細蓐。乃得希殘生。齒鹽舌不蛀。剛柔異其情。心知屈節難。不改鐵石成。

幼聘郭氏女十二歲夭追悼

電光石火渺難追。弄玉飛瓊去尙遲。娘小至無新嫁福。童鰥未有悼亡詩。碧瓜字破年方待。紅豆花開意不知。梧葉石闌荷葉沼。那堪重憶翠髻垂。

繼聘張氏女十七歲亡往祭悼賦

紫荷香佩好珍存。上有臨終滴淚痕。無命自傷才太慧。待郎不至體猶溫。黑棺蓋玉花長恨。紅綫牽絲月再魂。一慟撫肌卿領取。傷心卽作定情論。

懷家放廷敗勳秀才

書牆抗擁錦江城。文粥分調石室羹。磬裏踏花尋古寺。酒邊飛絮夢神京。  
功名。世外浮雲薄。懷抱天心大月明。小閣詩巢曾借榻。愧煩兄嫂太多情。

幽居

靜氣入昏旦。物情相與幽。飛星遲溜足。初日澹梳頭。檐竹驚棲雀。池花照  
臥牛。平生五嶽志。收拾在林邱。

春感

方寸發竽籟。而寫山水音。文波躍金鰓。鮮樹鼓鳴禽。齊物非漆園。懷人感  
苔岑。東風搖游絲。蕩漾余澹襟。同樂能幾時。昔爲纓與簪。高天懸親愛。一  
擲若雨沈。聚散春空雲。悠然千載心。何用謝知己。持此伯牙琴。

梨花盛開忽有寄興

宅東有梨樹。開花如白雲。微物雖無知。造化有至文。百昌扇風會。萬化滋

網。縑。誰。當。執。神。權。大。哉。四。時。分。精。氣。中。不。挺。榮。實。將。立。焚。灼。灼。千。古。自。  
天。揚。嘉。薰。綵。繡。無。活。色。土。苴。發。奇。芬。名。葩。顧。我。笑。俗。愛。徒。紛。紛。

題友人山莊

莊有三井號品泉

沙。鳥。引。春。舟。過。江。春。事。幽。暖。風。秋。馬。水。遲。日。海。棠。樓。茶。罷。聞。高。詠。花。時。起。  
暮。愁。虹。光。發。丹。井。好。爲。駐。顏。留。

重九避風不出

西。風。澹。澹。欲。吹。衣。佳。節。沈。沈。自。掩。扉。一。夜。有。霜。鴻。雁。過。重。陽。無。雨。菊。花。稀。  
江。山。古。往。留。陳。跡。酩。酩。吾。慚。對。落。暉。安。得。輕。身。凌。太。華。投。壺。搏。箭。共。追。飛。

石王溪夜步

古。砦。西。門。路。蒼。蒼。暮。色。連。月。暄。穿。石。水。風。折。過。橋。煙。棲。鶻。危。巢。肥。鮫。細。  
網。鮮。溪。頭。扶。跳。磴。陰。善。愧。承。先。

跳磴石壞倒先父曾出十數金修補之而人無知者

桂香池

桂香宮裏花冥冥。桂香池中水熒熒。荷花低枝壓滿月。梧桐大葉扇疎星。星懸北斗陰朝鯉。月轉西樓暗度螢。騎馬當時桂湖去。直穿三百樹龍玲。  
池中老黑龍大如嬰兒

隆興寺

江水東吞石壁牢。夕陽西挂寺樓高。毒龍隱伏澄潭靜。法象森嚴古屋遭。清磬滿天飄過耳。空門萬劫等吹毛。何年蒲柳看重緣。屈尺池頭客載醪。

寺前龍月池形如屈尺今涇

竹巖洞

鐵爐坳下竹林疎。弔古澄懷一灑如。宦海淵源黃駱里。洞天雷雨宋明書。石幢寂寂自對客。芳草萋萋來襲余。勁節清風長照眼。誰能補種萬絲簾。

拜周泗淪丈墓

夙昔論詩地。今來暮道平。九原無日返。萬古大河橫。腹痛車知過。心驚草  
怒生。相期愧知己。高詠竟何成。

留別友人

爾愛淵明者。須知在復真。百年好持此。六籍與相親。滯迹江山遠。依辰日  
月新。古今中有我。莫誤影形神。

夔州

井底蛙聲遠。宮中龍影寒。諸侯老賓客。獨占古雲安。搖落孤城小。風流近  
日殘。惟應數名將。猶可一登壇。

峽門

晴雨亂崖根。魚龍抱日昏。我行將遠客。天爲減清猿。不識蒼茫意。憑窺造

化痕止今設險處。寢欲負靈坤。

澗瀕石

澗瀕深根出。翻宜近客舟。江枯殘雪在天遠。太陰愁盡日摩孤。鵲當年飽萬牛。河山今失險。持爾障東流。

峽江巨石奇惡賦詩紀之

至竟游人不可遮。多情怪石列如麻。丹黃粉碧青千狀。龍虎龜蛇鳥一家。鮐鰓落穿嬉鬼國。箭船飛過簸雷車。輸他泛到天河去。拾取支機伴客槎。

水程

截象鞭龍氣自豪。水程萬里况周遭。孤帆海嶽天風遠。一枕江湖客夢高。發我奇情同竹素。消人妄念有波濤。源泉本是饒清淺。尙費尼山贊歎勞。

河南夜發



美睡答行役嚴裝嗟已苛。雪風吹黑塞。珠斗挂黃河。殘夜陰蟲斷。中原俊鬼多。蕭蕭懷古意。曉色入明駝。

河間贈友人別

丈夫爭志事。溫飽豈宜知。白日無窮去。青春不自私。九河天老矣。萬國道通之。欲辨忘言意。征驂各首時。

洋芍藥感賦

海風吹空紫。雲卷海山絳。霞落金剪仙人樓閣見分明。片片紅波美清淺。中原芍藥占春濃。何意海邦爭妙選。古葉疊。炎洲翠生葩。密剝樽桑蘭流薰沈沈絕。番鞠見寶往往同中薜。亦知精婢少羞澀。誰言鬼母殊媽嬖。銀圓買醉西洋鷹。脂粉弄妍東國犬。紅冰鏤雕羅粵館。珠露搖曳滴吳牕。一時羣兒競新異。况復妖奢費精腆。士女佩贈古風流。宰相帶圍金泮泮。

初憐。燼。花。顧。影。泣。漸。悲。國。秀。無。人。眄。眼。前。萬。物。愁。失。真。區。區。草。木。誰。當。辨。  
天。上。妝。春。笑。更。聞。人。閒。感。時。淚。猶。泣。君。不。見。圓。明。園。畔。野。煙。青。香。天。已。老。  
門。空。鍵。黃。昏。風。雨。送。愁。來。寂。寞。花。魂。哭。香。輦。

在京寄內

兩。人。心。事。一。燈。知。累。汝。三。年。感。別。離。况。復。搗。衣。聞。雁。夜。正。當。椎。髻。匹。鴻。時。  
燕。雲。蜀。雨。應。同。夢。碧。海。青。天。有。所。思。料。得。閨。中。今。夜。月。含。情。只。是。隔。簾。窺。

鄉夢

綠。窗。清。憩。晚。蟬。多。鄉。夢。模。糊。瞬。息。過。齋。舫。淡。浮。簾。底。月。繩。河。斜。拗。竹。梢。波。  
幾。時。畫。卷。題。歸。棹。一。笑。朝。衫。換。釣。蓑。城。市。山。林。同。感。慨。虛。船。人。海。且。蹉。跎。

贈陳汝霖

我。來。鄂。渚。識。陳。生。盡。斐。屏。障。洞。閩。奧。炯。如。秦。鏡。與。相。隨。肺。肝。不。韜。張。百。發。

江漢長流地。不私古今異。氣人相剽。自從交遊失。眞意誰使。世法易名教。  
剽刃入腹。幡然憫下石。於井嘻爾笑。芳鮮媚口。俄螻蟻損讓。委躬突羆豹。  
直令出門。嗟險巇木石。勿敢通聲告。天地無情。萬物散膠漆。了知非文貌。  
而我有緣。偏見晚。自歎康達接榛淖。相迎翻倒。伯喈屣過訪。却涇林宗帽。  
何異小松高過人。昂霄聳壑阿其好。海內漫鐫知已感。眼前難鐘少年躁。  
一寸靈臺拭潔晶。八荒氣宇麾雄冑。謬舉時艱屬腐生。亟稱國病需儒效。  
我凜無言君默坐。勸善規過神所勞。荒磯大樓高摩天。風吹鶴聲入長嘯。

舟夜

煙雲萬里送歸舟。小泊清寥沁壯游。山月犬聲寒似豹。荒江客夢淡於鷗。  
夜闌珠斗懸林杪。霜落巖鐘戀寺樓。還憶臙脂坡上路。有人風雪走貂裘。

巫峽石

回。機。轉。峽。江。命。輕。輿。能。富。波。濤。壓。秋。帆。雲。雨。割。荒。岫。韻。分。九。峯。高。骨。挾。萬。  
古。瘦。尺。腹。藏。風。雷。百。怪。入。空。漏。元。精。吐。殊。形。遠。勢。含。衆。皺。文。章。善。爭。奇。方。  
寸。鬼。神。鬪。厥。中。有。平。淡。無。復。關。雕。鏤。美。人。秋。江。上。倚。天。揚。翠。袖。心。堅。氣。自。  
澤。春。力。不。可。透。笑。我。窮。且。癡。寒。餓。對。天。秀。

至家

一。別。鎢。塵。樂。意。真。風。潮。雨。雪。轉。悲。辛。時。危。易。淚。偏。經。險。家。近。能。歡。况。接。春。  
隔。樹。鄉。音。山。鳥。識。歸。船。人。意。渚。花。親。入。門。夜。奉。慈。幃。話。猶。恐。兒。勞。促。退。頻。

賦盆池中小巫峯石

我。乘。長。風。渡。海。來。袖。中。東。海。亦。何。有。飽。飲。長。江。萬。里。天。驚。沙。怒。泥。混。蒼。黝。  
老。虬。嗟。呀。怪。螭。憤。尺。玉。不。得。供。盤。紐。峽。江。舟。臥。遊。石。國。午。夢。飛。雲。走。蒼。狗。  
翠。巘。撐。天。五。千。丈。起。拔。雲。根。擎。在。手。割。然。高。蹠。裂。秋。雷。瞥。覺。詩。眸。落。仙。阜。

蓬底峯巒捲入多。筆端雲雨迷離久。騷客微辭工說夢。美人一笑爭回首。  
蔥河淼淼流玉乳。海月沈沈浸珠母。仇池萬古老金天。壺中九華秀南斗。  
嗟余溷俗利廉角。喜向案頭添畏友。文心蛇徑析絲毫。理窟蜂房闢窗牖。  
飢猿挂雨翻巖髮。蟄龍抱煙眠洞口。盡把奇情種清淺。力張天骨洗頑醜。  
芥舟杯水小堂坳。風攜此石問蒙叟。

題過伯安畫魚

雲影波光碧成片。河精風雨爭奇變。此老胸中萬魚語。喜到人閒泛芳練。  
生頭生尾一筆中。安得猛火燒羣龍。妙畫通靈飛作雨。勝呵電母鞭雷公。

時苦秋旱生頭見  
歛詩生尾見歐詩

山居秋夜客至

一笑佳客至。涼宵宜素心。燈花笛裏落。木葉酒中深。天際初鴻過。松西半

月沈論文有真意何止契幽尋

榕鱗

洞風陰呼壞雲擁斷橋欹側石裂孔中有老榕欲橫飛半出不出倒嵌空  
徧身糾纏子母蛇小者如槃大如桶紛紛青黑吸泉乳不辨巴蜃蝨之種  
敗葉溜雨鱗甲脫蒼條攫人魂魄動砒崖裂澗時一號潛虬飢蛟應聲涌  
可無龍雨洗腥涎安事蛇醫消瘰腫驚電飛騰劍影寒冷月吞吐珠光重  
腹空破翠毀熊館首低瑟縮學蠶蛹可惜空山壽不材利害非關止閒冗  
燒骨無烟剗肉腐架梁撐棟愧非勇安知無用非爲福龍殖鼉斫屨屨樵  
粵門扁鑰妙連蜷蜀道崩頽斷荒茸黑暴有時飛上天何處芒山鬼母塚

讀史

寐寂瓶花在案頭廢書三歎祇增愁空將意氣爭屠狗豈有功名到沐猴

運去衆材傾大厦。時來一事卽千秋。古懷今抱誰消得。落日無言傍小樓。

寄題友人山莊

竹雨松風處士廬。壓簷花落見交疏。觸牆牛角斜成字。食墨蠅頭亂點書。古柳春微人老去。小槐晴薄夢圓初。笛聲吹起陂塘月。卷笠收筒罷釣魚。

晚興

鳥沒夕陽邊。高愁墮暝煙。近風交吟蕙。涼露卷池蓮。煖酒雲生石。彈琴斗挂天。新詩滿竹樹。未肯與人傳。

普安砦晚晴書屋

古砦天驕昔作威。南關一礮醜魂飛。灘聲黑夜流陰火。風色黃雲掣夕暉。卅載春園桑柘密。幾家秋雨芋荷肥。嗟余此屋饒花竹。襁褓當年在賊圍。

偕仲弟光筑過江登北原步江頻觀巨石上宋時題字

俗名母豬石

奇思發千載。方冬鬱無章。仿志偕骨肉。觀山亂野航。陟彼北原上。墟壠寒  
花香。白日澹光晶。古懷森慨慷。因感泉下人。是非淡有忘。萬化付一瞬。我  
何潛爾傷。臨厓仰石魁。精神復飛揚。紹興之遺題。形迹非蒼黃。何來避難  
子。令今我酸愴。危心激苦言。浩然劫灰茫。我欲勒新詩。東逝江水長。一笑  
知歸鳥。已與孤雲翔。

山行遇雨

春興自飛翻。春空密點繁。亂泉穿古寺。片雨入深村。柳店風收旆。花時犬  
臥門。歸途泛漁艇。溪綠上橋痕。

遊東山寺偕放廷山下人家有花不入

風吹津舫著漁磯。細路攀緣稱袷衣。野水照天浮塔去。江雲留雨入城飛。  
客心清鏡開塵沼。人語疎鐘共翠微。一笑看花須問主。海棠紅落屐痕稀。



寺有清  
濁二池

### 羅漢寺

江路青煙散。山門綠竹斜。小橋存古樹。遠水見漁楂。戰迹愁烽火。名心澹  
佛花。少時題壁意。可笑爲籠紗。

空山黃葉客攜酒寒雨綠蕉僧閉門余昔遊羅漢寺句也

### 福田寺

寺僧春澄精醫化去十數年矣

樓閣劫灰重。春深萬綠濃。客來尋大藥。僧去有蒼松。壁雨長垂晝。溪雲不  
隱鐘。石橋漁唱遠。相送過西峯。

### 讀易洞

富順西湖之壩  
宋李見讀易處

易學古在蜀。賣香印。樊閒何人占煙月。復此注藏山。石屋天心滿。湖樓客  
語閒。我來借孤榻。清夢藕花灣。

### 君子石

一三編掛版  
傲氣滿天下。鞠躬能幾時。中流憑砥柱。大雅是吾師。象笏端宜拜。魚鉤直自垂。觀音灘上路。里範照江湄。

觀音灘渡口

沙渚榜人眠。峯頭瀉暗泉。丐崖秋煉石。盜水夜偷船。溪漲銀蛇月。林銷紫竹煙。慈雲需利濟。南海戰爭年。

鵝寶山訪曾處士

長松不斷春。古徑少逢人。中有青霞客。今成白髮身。鈍吟天自老。熟醉道非貧。相送無言處。殘陽在水濱。

晚晴別墅詩

觀我石塘

今者吾喪我。窮追滿塹垓。乘天御風遨。道真渺迷回。名心與理障。盡可傾。

靈臺如彼流有枝。奈先絕根。荇源頭。一活潑水。淨心爲開。精靈踏空。無照影。面目來所欣。體初完。嘻。叩汝誰哉。灰灰萬古民。於我深所哀。

### 迎江草亭

江流長。日月顧我真。頑隋不知大化中。何爲忽著我。宣尼歎逝川。斯意余豈左。寸心與之流。撰廬此清坐。遠峯羅几案。圓簷拘花果。澄懷觀萬動。愚智嗟已夥。智者巨魚奔。愚者老鼃跛。何用返自然。新波送春舸。

### 陶家樹

酒國滿人世。不能陶一卮。淵明信修潔。可惜非吾師。理荒樹秋菊。庶用攀附之心。知訥繁。援蕭澹。有韋脂。花花高隱字。葉葉孤濯姿。借問毓華子。焉思貧賤時。在淡諒不高處。濃已莫追。天地况沈冥。奚不丹其頤。餐菊將飲酒。胡事商山芝。

木堇綏

古今積朝夕。有生誰左之。粲粲素舜華。榮悴當勞疲。持此訊佳人。開乃正含淒。練脂比顏貌。琢玉爲膚肌。所傷枯槁速。潛然獨言悲。佳人且無悲。元化誠轉移。縞綦亮自樂。英華匪我思。萬秋爲須臾。何論相萎滋。嚼以清翳目。且復遵藩籬。

游窟

君子生好游。海嶽爭對謁。如何閭奧閒。變將山水窟。文沼扇清波。墨林芳未歇。營目非舉足。咫尺滿窮髮。抱近誠知遠。江山跡柱越。動靜生游移。光景來儻忽。高外觀八遐。洞張見心骨。方丈豈非促。好風盪夷兀。因之悟。鳶魚理陷能勃率。

習巢

天地以爲巢。怪哉寄何枝。萬類有棲息。兩大無缺虧。大運肯滯淫。羣動將住持。吾廬亦有意。消息得所宜。相彼拚飛鳥。誰當潛鼓之大者。擊南溟。小者拾藩籬。各自有一世。不齊吁可悲。軒轅隨列仙。苞鳳應昌期。識時與出俗。千代不知疲。

偕隱齋

南山有白鶴。雙飛在幽遐。馬卿方倦遊。孟氏復宜家。俯仰顧六合。不可借。隱邪中田饒。稼穡地大多。桑麻空山澹。日月高天發。雲霞還顧門。庭內喜歡復。無涯佳兒抱。書史嬌女學。煎茶小婢善。殷勤吹笛落梅花。老夫詩句健。婦也酒杯加。何用作神仙。以爲後世誇。此詩爲寫本所無。故杜先生編以其骨力氣味與前無異。仍復錄之。亦見先生自爲去取之嚴云。

露坐

北斗挂天橫。長風吹月明。誰令萬古意。并向此宵生。露下且閒坐。海南方  
戰爭。壯心空有動。詩罷草蟲鳴。

七夕

居士感無極。其如勞者歌。花前鬧兒女。人外淡星河。天地荒荒老。神仙脈  
脈多。可憐半邊月。雙照影婆娑。

天河

自處高明地。誰知顯晦緣。幾人拋好夜。一水補情天。今古此顏色。星辰託  
渺緜。月涼能久坐。何事障孤煙。

其二

空際淡雲摩。遙情寄若何。有風能轉地。無水自生波。果有仙槎到。應爭海  
舶多。會須呼力士。倒挽洗天戈。

睡起

軟風片片響花瓷。睡起攤書兀坐時。翠幙客來雙燕子。綠窗人靜一蟲絲。  
買僮戲檢王褒約。課婦閒鉤宋璟碑。自笑小詩近兒女。海棠紅處夕陽遲。  
迥出勢不已。何當興正酣。星光浮斗北。兵氣靜天南。遠馭資雄鎮。高情得  
極探。回風送鷺弄。便欲附雲驂。

大觀樓敘州

敘州主黃鏡湖

光鑑

因贈

痼癖煙霞惜老饒。豪情韻格肯輕芟。歌筆學買吾甯俠。吟榻能容主不凡。  
方寸喜無山海隔。滿腔誰有澍霖銜。文心別得玲瓏處。一月雙江面面嵌。  
飲杜醒齋同年

大恒

家偕鏡湖

霜園小集筍簋過。負郭人家訝醉歌。腐史盲儒心眼別。

席間論史甚慨

酒龍詩虎

角牙多拍舫。酣極呼銅鉢。翦燭談深落絳荷。更約涪谿松竹裏。石魁文字共摩挲。

瀘州登忠山感賦時海南用兵也

到眼江沱會。合纔登高懷。抱轉難開秋。無燕雀嬉堂幕。夜有蛟龍泣鳳臺。南海艱危前局在。西山平遠古愁來。武侯遺恨知多少。且向飛樓問老回。

山有武侯祠呂祖閣

其二

仙子無情出世宜。吾曹多感且吟詩。海天霹靂沈舟後。夕日羊牛下坂時。山氣在眉留小坐。江流落手障東之。城頭煙樹昏鴉滿。清聽空寥鶴響遲。

瀘州忠山訪來青園過江山行泛龍馬潭遊古冲虛宮四首

一鳥坐樹言已過。春之半遊興濃於雲好。風吹不斷言訪來。青園幽軒勝。



臺觀開門看大江。白日中流亂荒塚。散牛羊。好山盈几案。人立綠陰寒。鶯啼落紅散。中有一花丞。邱壑胸次爛。爲我作墨蓮。放筆得適憚不虞。錦繡谷。復覩陂塘畔。春暄與夏涼。虛實各成玩。簾筍下忠山。幽意非汗漫。

其二

春思如藕絲。將斷忽復連。看花興已引。尋幽賞方延。夕照沙上斂。江樓天際懸。雲陰壓暝樹。人語亂春船。中流駭軒簸。風起浪拍肩。下有豬婆龍。彼豈擇愚賢。去年陟方山。暴雨傾崖顛。笠屐走木末。幾墮如飛鳶。乃知天老意。習厄游人緣。無險氣弗奇。得試而倍堅。氣奇心自正。道豈殊天淵。

其三

登山行數里。天影乍如墨。與夫絕飛塵。力疾赴暝色。頗喜僕役懷。亦入良辰逼。望見冲虛宮。塵慮倏而息。蓬萊在東海。何以翦羽翼。野航坐詩人。山

容笑相識竹風意欣欣松徑陰密密鐘鳴潭愈空客歌花自默手眼同讀  
碑好句催雲黑前楹刻卓海帆奚奴發狂懼披棒忘午食始知心迹閒雅  
俗均有得

其四

長螺泛清涎曲蚌浮半殼片秀吐波心白雲隨漲落羣山若渴龍一一俯  
頭角想見真仙人神淵施控捉煙波有靈氣風籟餘仙樂古亭一振嘯蒼  
翠落松桷憶昔下夔門淫預玩青駿兩孤鎖彭鄱三山鎮海嶽不圖流歸  
停共得鑒止學天巧秘奇尤地幽謝追琢溪風吹我還無乃忌吟卓

遊方山題名慶雲巖下覽新舊雲峯二寺

紫天高懸墨屏風卷收老日青冥中四角塞天天欲窮嚼雲入毫寫龍背  
萬田翦碧玻璃碎亂磬浮空憂瑤佩分風刺霆嶺剝刀長林如海翻波濤

樓臺金碧展雲市。牢幽人語響千巖裏。美人隔花醉釵墮。道人賣雲山不鎖。西望紅巖雙法冠。江沱帶圍苦非寬。誰帔雲霞簪石巒。

瀘州載書歸泊通灘夜雨江漲時過白露節矣

胡布西來泛夕光。笑編楚舫作曹倉。斷崖風雨鳴金鐵。陰火蛟龍攖薤琅。何處滄江虹貫月。是時天氣露爲霜。喜無玉帳符經在。免化兵書石一方。

買舟載花歸口占

一夢揚州杜牧之。五湖網得衆西施。安排細雨移橙計。消受春風吸茗時。  
反用錢山雜纂語 龍讓頰仙攜眷屬鳥分豔福供。親慈從來小醜譏尤物。要譜

蘭華潔白詩

蟋蟀

振羽漸斜暉。吟情難故違。美人夜坐怨王孫。秋不歸燈火綠窗瘦。風塵青

鬢稀感余還有在。流響發天機。

蜻蜓

貪此蟲糧美。蜻蜓接尾行。墜風憐汝弱。點水自身輕。不識老成意。能無飄泊情。多因有文采。愛惜苦分明。

蟬

流哀自千古。溫厚一無言。妾命真成薄。秋身獨自尊。去仙留幻蛻。與世著愁痕。安用靈龜察。登天訴九閭。

鸚鵡

羽族豈不美。何因羨保蟲。偶然學人語。端合在塵籠。懺悔心經外。神仙夢景中。鳳凰能大聖。音迹與天通。

八哥

來巢止寄迹。向使魯無鳩。所惡覆家國。何當掉舌頭。弄姿雖自巧。教語亦人偷。卻怪寒蟬噪。西風無限愁。

### 松鼠

雨氣滿林皋。餐松賸老饕。浮生此么渺。托體得清高。塵世人思捕。風雲爾亦毫。黠腸但與滌。何必學仙勞。

### 斑竹

一雪湘妃淚。千秋止不乾。雲煙護龍蟄。苞采見鳳鸞。抱節深藏恨。多文與自殘。迷春嘯山鬼。月白女蘿寒。

### 黑竹

幽壑極蕭森。黑風吹日陰。全身異孤潔。晦跡並山林。自鍊冰霜氣。能虛鐵石心。又元通衆妙。堅忍絕窺尋。

夢中

夢中失叫驚妻子。橫海樓船戰廣州。五色花旗猶照眼。一燈紅穗正垂頭。宗臣有說持邊轡。寒女何心泣國讎。自笑書生最迂濶。壯心飛到海南陬。

排悶

燈暗亂蜚鳴。居人繞屋行。河山生苦戰。風月與孤清。擲筆功何補。當歌意忽驚。遙憐老諸將。橫海斷長鯨。

述懷詠物詩

井序

先太恭人治家不喜近利。爲善讀書種花而外。喜畜養也。豚魚不計。花白犬長鳴雞。南詔鸚鵡黃花狸奴。皆善解人意。今恭人見背。周二稔犬鸚鵡隨之死。將老雞不食治而祭墓焉。惟狸奴在矣。飭家人善畜之。亦且充至於犬馬之意云耳。

用情期獨至。所施固無方。人物更共之。理感非氣常。虜也爾何知。來護君子堂。功過諒非等。護闢勤主張。家國有苦心。肯以功名望。自嗟骨非仙。迴雲滯孤光。主人驂鸞馭。未要殉三良。忠臣痛隨主。爾犬豕亦將愧。我不能然。敝蓋埋山岡。

幾輪激巽方。司晨感光皓。德備空爾高。知時信可寶。容華羞鵝鵝。翹尾自然好。豈不爭。彼蟲得失消。微抱神龍義。不食成功各。圖早費家有。劫塵貪失懷。菽稻寂寂旌陽宅。上證三神島。

聰明禍之根。微生抱本性。於天有濁得。恥復爭言命。文衣作人語。無乃非物正。氣靈質始虧。性巧天爲病。憐深反生妒。豈若無寄行。懺悔清六塵。將恐人事競。勞君殉我慈。蓮花發清淨。

昔年侍我父。歲月沈靈龜。未覩談福報。不忍人食之。吾弟錦水遊。龍鼉生

江湄承家貴體德亦知人笑譏矧此竈養畜吾母之手治念微託物重區區天所私咍晤凍夜號聞之淚綆縻上有西沈暉下有深涸池狸乃有終極永懷無卒時

枕上偶成

清簾迎秋照短檠涼波三尺枕邊生難忘謝朓驚人句空有莊周夢蝶情侯骨酒星禽象左睡魔詩障虎龍爭未能夜起看長劍愁聽荒雞隔膊聲

哭胡正之

世杰秀才

昨來猶執手惡耗忽悲傳怪夢汝爲鬼驚呼余問天亂書堆作塚良玉散如煙不竟才人用吾才更孰憐

其二

五中竟摧酒三歎到亡琴重以別離恨其如規勸心婦來無煖席子小未



成音搜取舊文在。嗟余尙苦吟。

夢正之

君從何處至。彷彿得平生。把臂相悲喜。回頭失送迎。半窗殘月在。四壁亂蟲鳴。起坐繙遺藁。淒淒竹露清。

過正之夫婦野厝處

亦識委形幻。殯宮猶寂然。那無一坏土。翻惜兩韶年。野塚多芳草。春風又杜鵑。慙慙後死責。落日滿歸船。

山居

山居繡畫俯平扉。小住清安亦足豪。花氣浸人浮蕙沼。天風吹夢瀉松濤。連筒一水分巖細。卷幔羣峯入戶高。梧葉滿階秋色裏。碧雲涼月讀離騷。

山行

深山物我共天真。慚學先生折角巾。屐雨乍喧吟木客。酒潮新漲醉楓人。  
石留仙洞餐時髓。雲得奇峯劫後身。野老結廬追四皓。采芝騎鹿共長春。

### 感事

蠻奴獠媼皆尸祝。龍章鳳姿照人目。散髮騎驄汗漫遊。家山精靈定追逐。  
卿雲本是故鄉親。汚吾子瞻尙不倫。卻怪兒童膽如豆。不知雷電能驚人。  
販賣到公真。未有金算錙銖米升斗。可憐糟滑灌鴟夷。何異衣冠被桃偶。  
倚門或揮况登堂。酹公以酒公肯嘗。青樓讀禮屠念佛。祇助笑罵成文章。  
青蓮仙語堯祠吐。雙井樊侯句如虎。神巫何事苦吹簫。堯本無心爾擊鼓。  
夔州昔時先主宮。誰道祭蘇鄉俗同。一笑杜陵懷古作。歲時伏臘走村翁。

### 述張靜山

運促氣自長。斯人尙存生。茫茫區宇閒。善氣浩中橫。富貴馭才智。所寶非。

榮名張侯。逍遙人乃。道德是爭。雄諧寓敦。誼滂心吐。寬情末流。競利羅害。則鳥獸傾。秉義叶厥中。趨避反俗。營小人道。甘穢。君子揚其清。靈臺稟大曜。幽滯賤理平。病世此軒岐。但多醫。則輕天閉。積陰多。陽善未絕行。譬如野夜昏。而有日光瑩。徂謝遘窮節。憂方濯濯嬰。善後決萌達。帝命爲常令。事往尙紛囂。作詩見清真。張也信堂堂。高雲薄虛明。

### 望峨眉山

藏閣集下

插天菌萐是疑非。萬古名山佈跡歸。香象河流騰白足。潛蛾江影。鏤寸心塵外。尋烟客一笑。雲端見玉妃。綽約何人說冰雪。始知莊叟意深微。

### 峨眉山麓

石船流水落花初。鐵索橋頭走竹輿。平野方看蠶蠟盛。名山頓覺燕鶯疎。松杉虎寺華陽墓。苔蘚龍門玉局書。肯向人天求佛果。衰遲吾擬結詩廬。

虎溪橋

虎背有慈航。何人坐之渡。縛虎等縛心。冷月支茆住。神迹荒已古。惟餘白足路。溪迂石理回。林缺虹身度。人語松上雲。鳥鳴花閒露。湖草碧如煙。僧樓紅在樹。寺隱襟漸靈。山空夢初悟。一笑過人忙。懷古自來去。

觀蔣超書伏虎寺顏

槃槃玉殿材。名山寶真字。修然筆墨外。四溢山澤氣。日月送蕭閒。煙雨流蒼翠。高空舞龍鸞。深山走魑魅。余懷殊闊略。藝事非冲邃。學書情所遠。但識古人意。豹隱惜文皮。斑斑霧中避。鴻飛留爪痕。冥冥天外寄。

華陽山人墓

松風鳴回溪。颯颯作飛雨。空山訪文獻。荒墳翳榛莽。道人東南秀。塵世聲色苦。大海笑翻身。寥天從振羽。半生空道俗。一夢連今古。委蛻百餘年。山

水見眉宇待題有道碑。且讀名山譜埋名。重絕筆。高句壓天柱。不得歸空。無人間有杯土。

### 大峨寺

獲筍響沈浮。憂憂節風竹。七十二名菴。茲寺名所獨。白雲墮修除。丹霞吸空屋。天杪升鸛鵲。敗葉矯麋鹿。機息玩喬林。梵清轉回谷。三彭伏神泉。五濁清僧粥。揅奇邁香侶。采芳擷遊服。大石善聽經。貝多誰與讀。

### 清音閣

妙音宣淨心。聞根無外鑿。生滅一隨聲。兩受聲塵縛。陡溯注危潭。懸波鳴傑閣。回林與沓嶂。宛轉分碧落。嘗聞戰雷霆。大聲墜猿鶴。風濤落方寸。夢寐隨煙靄。到來符文隱。雙橋緩扁鑰。禪悅生細涓。聽因解嚴壑。澹如有生初。見此真靜樂。虛深得琴理。噴薄騰詩謔。空山想風雨。何止玩花藥。

清音閣 在雙飛橋

雲中萬馬響蕭蕭。神鬼陰崖佛閣朝。片石雷霆撐衆壑。一僧風雨立雙橋。  
草香噴雪春眠麝。松氣沈山暝下雕。小憩牀敷如夢醒。舵樓高枕聽江潮。

雙飛橋

晴風吹飛雨。灑白東南天。陰壑冰陷日。陽坡雪流泉。名山骨幹勝。諸水系  
絡連。一雨騰百脈。雙橋束微咽。缺月共青嶂。挂虹搖紫煙。雷霆鬬地裂。草  
木飛空懸。峽龍玉墨氣。穴鳥翡翠鮮。渴虎驚沫乳。飛猱墜潭淵。此來溫煖  
交。巖光媚清漣。不見白雲溼。但覩蒼石堅。雲石兩無心。分與靜者便。芙蕖  
未應把。竹杖立悠然。誰踏高生屨。且拜望帝鵲。

雙飛橋

天際雙虹挂。何年墮劫塵。泉分太始雪。人立過來身。絕壑晴雷午。深山亂

石春遙知白龍洞。雲氣爛如銀。

獨臨寶見溪危石上小坐

濟游無勝具。覽逸申遐想。幽偶亦翔盤。奇寄自宣盪。斷術草豐茸。懸淵壁光晃。木形回精凝。箕坐蘇肝脾。是時春澗碧。小風扇蒲蔕。我心歡素閑。山靈助孤賞。鳥負溪日飛。魚吞浸霞響。巖語落猱攫。潭氣發蛟象。藏天水心寬。胎雲石神長。真境隱喧塗。卽之鮮疇黨。脫履便乘危。一墜援仙掌。

登化游坡小憩會佛寺斯地爲全峨至險處自諸香客外文人游山

者多憚不敢到原名猴子坡余弗雅也舉列子化人意而易之

化人謁周穆。騰祛止天中。神運失形魄。王精轉泰鴻。我無騰化術。登頓與俗同。鳥道接青漢。猿怒擎紫空。竹涂鮎爲客。髮徑蠟則躬。懸踵界人鬼。飄心入雲風。日晶閃澹澹。山氣開濛濛。奇懷出天地。造化與我逢。墨客昔寡

宣絕境多畏蹤。化城於險道。疲衆嗟來充。各生安穩想。妄想已度終。半途勢豈廢。荒蹊運將隆。嘉名饋典古。出汝在閭窮。願言告來者。匪直與清雄。

玉液泉

希夷大筆入雲根。風骨高奇氣遠吞。地接鳳臺棲楚客。水穿龍窟出荆門。石閒萬事雷霆鬬。樹底雙橋日月昏。別派一泓清照我。塵容亦喜在山尊。

龍昇岡 時有小旱

神岡布澤久通靈。怪物今知睡未醒。細細風煙疊嶂雨。冥冥草木古潭腥。曉看瓦屋雲空白。春過嘉州麥不青。我比惰龍差快吐。惟愁滿腹少雷霆。

古化成寺

杖底香鑾竄似飛。梅檀麝蔔認依稀。到來雲樹生筇籟。上去煙蘿挂石扉。雕眼射人風力勁。木皮衣屋雹聲微。寒僧自說之溪產。迎笑鄉談羨息機。



借爲吾風虎  
頭城人姓鄭

### 羅漢三坡

荒怪誰知不易登。都來覺路覓金繩。鬚鬢似鬼陰崖樹。拗怒衝人大壑鷹。  
紅日分雲晴裏雨。青林戴石夏連冰。嗟余剩有貪奇癖。幽險能窮過老僧。  
大小雲壑

絕壑驕陽亦凍姿。雲如潮白漲無時。倒噓人影龍初過。半沒松身鶴不知。  
湧地佛光喧震旦。浮天海色照西夷。入山漸覺衣裳薄。擘絮兜綿轉粟飢。  
大坪

到眼奇峯駭未經。豈論東岱禪亭亭。不知松柏雲中綠。疑是蓬萊海上青。  
客子瘦筇陰磴雪。仙娥寶瑟夜池星。造顛已覺勞登頓。萬佛樓高月入扃。  
大坪

五嶽如冕旒。厥顛恆不頗。茲峯亦有然。表奇壯三峨。憑崖一以眺。碧嶂連城羅。高撫玉女岫。下壓金剛坡。舞火蹋陰燄。髡條陟陽柯。體直而性峻。攀阻歎何多。道旁有遺衣。疑是虎跡過。風林響暗葉。切切如牙磨。脫險力已疲。賞勝氣翻和。山谷蒼雪鍊。松頂翠雨摩。初月挂西嶺。天山鬬揚蛾。何必彈鳴琴。池上覩仙娥。山阿或有人。安處尋薛蘿。惟當招雲下。聽余一高歌。

仙姑彈琴池

玉姜迷壽年。陽娃感精變。寥天上清月。不鼓琴理善。坦坦古池平。淒淒漏泉熾。藉問誰動操。衆山響蔥蒨。豈撥琉璃弦。聖凡爲舞徧。豈奏隱形鐘。聲聞不可見。黑蛇出陰火。黃顰竄僧院。荒塗造新駭。元響遺舊戀。籟息心境空。聊理行勝倦。

象鼻崖

樂境苦不長。回迹復入險。峨峨寺門迴。翳翳杉櫟掩。斗削千丈梯。磨刮五  
光簞。旁紆入空霄。下窺墜虞旃。委頓憂裂礪。疲息思鑿廣。周防恐晴莎。重  
阨况雨蘚。懸祝眼昏瞽。滑甘足痠繭。豪強首懃服。交互牽帶辦。興新道非  
遙。境極情頓淺。吁噫昌黎翁。訣書擲崖巘。

### 鑽天坡

鑽天引鷁鷁。飛飛入青霄。人影共明滅。山雲亦飄飄。呼吸通帝座。升攀俯  
仙橋。佳氣東南來。鬱鬱千里遙。揮策撥氛靄。聳心寄霞標。小咳驚猛隼。側  
身搏飛猱。造巔此半途。乘空乃一朝。方興崇高歎。詎免多上嘲。獨往意復  
申。絕俗譏或招。矧敢揚高吟。神仙笑且調。

### 洪椿坪

犯曉攜竹杖。蒙密行且揮。客衝冷磬步。雉帶泣露飛。俯石交流亂。迴溪抱

煙微巖草懸宿霧。林花媚晨暉。山深氣已清。朝爽更我歸。廣利亮修潔。淨域聊因依。寶峯出西簷。秀氣生南扉。空翠自成響。如語靜者機。元覽隨化遷。神聽異音希。反涂見松櫟。大椿應百圍。

九老洞

百雲肅軒駕。天皇咨至道。丹臺俯陰岡。地脯日月老。山風吹森沈。棧溜踏飛繞。石氣浸肝鬲。火光澹參昴。韜精學蟲蛰。掠面憎蝠攪。嬖姍氣反揚。瞑眩情方矯。頗聞宅虎蛇。所驚棲猱獠。夔靈巢洪荒。雷孕蟠暗曉。鬼神昔相交。耳目今無擾。誰言波濤深。但覺天地小。奧心悔全晝。游腹期半飽。如學無涯垠。豈不極幽渺。凜乎返冥迷。坐嗟大鈎巧。

相傳地底有溪河從前深入者行十餘里聞水聲洶湧而返

九老洞

仙鼠如鴉舞佛鐘。夕陽洞口見諸峯。石泉灑灑森銀竹。巖雪條條界碧松。

乳竇雲中眠虎豹。陰河地底走魚龍。天皇九老分明在。軒駕今時可再逢。

九老洞陰崖積雪

空色證諸天。陰沈暈石煙。肯教風刮膽。吹作雹如拳。玉女青晶飯。枯僧白爪禪。應時能灑落。滋麥徧嘉犍。

接引殿

名山劈枝道。如氣與食喉。淨因濁諦閒。難聽轉磨牛。神師立冰雪。遑恤脛沒周。垂放兜羅繇。掌語誰聽留。晨登逼森凍。所託邈寡儔。白雲生衣底。蒼穹跨杖頭。淫淫霧雨交。下有日氣浮。冰蠶抱倒景。雪虹飛巖陬。寒暄一何闊。玉海皓以幽。吹冰風無春。化石木萬秋。怪覽信兀兀。淨理良悠悠。欲問西來意。雪水爲逆流。

雷洞坪

雲中入雷地。出地似雲鳴。雲雷一以合。天笑與相聲。絕壁音空圓。亂山響縱橫。裂巖散冰雹。懸空劃陰晴。迴風蕩成燄。白日照自明。下撼客屐動。上掃僧殿清。豈惟震羣醜。直欲蘇衆生。警世教爲宣。動物性斯成。宏聲滿天地。石室奚所營。

雷洞坪

在洗象池上

石洞何年霹靂胎。鐵碑禁語亦奇哉。如絲龍氣南天雨。小咳兒聲下界雷。雹積陰林諸客肅。風吹殘瘴百蠻開。何當池內蓮花放。洗象渡河香界來。

華嚴頂

聞說金剛臺。外地夜燈浮。上獨茲峯老。猿抱子求僧。飯閒客看人。打佛鐘下界。雲霞招杖屨。夕陽紅翠動。杉松風吹鐸。語天中落。似惜塵凡去。興濃。

金剛臺

雪山氣勢瓦山嵐。不敵峨眉秀骨含。九疊屏風迴日月。一螺蒼翠見東南。  
下方鳥泛紅雲海。上界龍分白石潭。心折巖頭晴雨亂。問誰虎躍興能酣。  
開羅壯勇公思舉曾於崖頭躍  
下十餘丈復決起轉底爲穿

### 小金剛臺

雲中撫句過餘韻。滿風松忽斷金繩路。如飛寶掌峯。洞雷生午屐。巖雪落晴鐘。險得心夷處。何煩制毒龍。

### 天門石

空雨灑天青。煙開石壁扃。拂衣超震旦。拄杖接春霆。真宰愁分裂。凡心滿刻銘。雲窗窺夜半。星斗動冥冥。

### 錫瓦殿

真成銀色界。晶殿隱葱龍。虎過人邊石。鵬盤佛頂松。木廬圍上座。瓦屋見

高峯不盡登攀意。春雲與濕胸。

白龍池

但洗雙蛾出。池華飲百靈。雲雷孕虛白。參井落寒青。天秀涵飛動。神功斂杳冥。嘉眉春旱近。鞭撻情龍醒。

一白龍浮水如蜥蜴龍種也瞥忽不見

怪物天池出。蜎蜎五寸纔。何人作脯去。初地洗心來。陰洞吹飛雹。晴潭起斷雷。琴高如可接。一蹑鯨公回。

由八十四盤閣沈香塔天門石諸勝漸達山頂

杳羅八十四盤花。曲折凌空踏紫霞。怪石天門排虎豹。大雲香塔護龍蛇。從來福地能遺世上到。名山轉憶家采藥攜。吾有願君親未報。敢幽遐。



宿光相寺

天風吹客雲中宿。五月披裘火始溫。見說洞霄春掃殿。不聞山鬼夜敲門。  
高寒星斗窺人大。清淨官骸對佛尊。光相地形全勝在。莫爭金頂俗難倫。  
時寺附因金頂  
與華藏寺涉訟

華藏寺

古藏經閣  
俗呼金頂

娑羅花下佛無言。有客攀臨證道原。雲海樓臺生日氣。雪山鱗甲是江源。  
登參踏井雙行。臨拜猊朝豔五色。旛欲問藏經。灰劫過怪他銅殿。不禁燔。

華藏寺銅殿

明藩潘建

大藩當日祝華鬘。巧鑄琳宮示不慳。但使金甌長勝國。定教銅殿徧名山。  
黃扉篆刻光今耀。白屋脂膏力昔屠。餘俗可憐捐頂踵。舍身崖畔淚潺湲。

寶雲菴

松下鬚眉照雪青。杪羅雲外送微馨。日光射井生虹氣。風力飛人帶虎腥。  
芝朵誰餐泥裏肉。匏瓜且摘枕邊星。銅宮錫殿支茆似。願乞仙人水一瓶。  
地有井  
絡泉

峨眉山頂見月

新月峨眉埽碧天。峨眉山影鬪嬋娟。山藏蜀國逃封禪。月逐滄洲照謫仙。  
遊客自生千古思。老僧留待一輪圓。未知畢世當來幾。今夜杉西坐看年。

峨眉最高頂

在錫瓦殿後

白龍池上走輕雷。萬瓦如霜日照開。詩客入天爭秀骨。神僧埋地結真胎。  
三秦鳥道衣邊接。六詔蠻雲杖底來。南北風烟通一氣。雪山西望是瑤臺。  
夜燈

陰火潛然海上生。名山壞寶肯藏精。二更出地金銀氣。萬丈騰空木葉聲。

久抱塵心傷黯澹。遲來世界住光明。如何無盡漫天燄。不照窮簷照化城。  
接引殿望絕頂

騎羊人去不知年。未信餐桃便得仙。一水符文流日月。雙蛾掃翠照雲天。  
山僧化樹春無著。雪虹如雷夜墮懸。老杜青城難唾地。茲遊何故讓青蓮。  
華嚴頂

霧閣動虛風。雲窗掃翠空。棟香花鳳窟。松黑老猿宮。一鐸飛泉外。千燈淡  
雨中。鐵師何處禮。回首萬牛雄。

白水寺

唐孫思邈  
隱於此

石路昏煙月色新。扶筇林外一燈真。雪龕好供低眉佛。池鏡曾窺大膽人。  
得道天懷甘白水。出山雲氣雜紅塵。蟲蟲尸解嗟何酷。試叩金容丈六身。

龍門峽

雲中萬壑關笙竽。峽鎖雙崖媚不枯。照日水光浮翠羽。灑天山腹散龍珠。飛流遠過康王谷。記里曾言范石湖。他日開先亭畔去。白銀青玉待評吾。

古犀角河

夾道滿垂楊。風吹綠葉長。一碑春燒出。雙屐古河荒。疏鑿通神聖。經綸有散亡。遙心託江水。東去正堂堂。

青城山口

白雲吐西嚙。空翠盪成漪。俗客垂垂到。山春故故遲。幽花宜一笑。老鶴去何之。欲問丈人觀。松聲無定時。

遊青城山

人閒笑口開何處。三十六峯招我去。未須白日挂高名。且對青山澹吾慮。精通井絡山氣揚。心到滄溟江意長。欲騎石牛東入海。倒將詩句懸樽桑。

遊青城山

陰陽三十六峯尊。撥雨來尋古洞門。眼落成都疑井底。心歸滄海識江源。  
一身天遠岷嶓接。萬鬼城深日月昏。遊客紛紛弔花蕊。山中寂寞老人村。  
遊峨眉歸偶成

海南笠屐徧經過。咫尺仙鄉不到何。未倚青冥追太白。空談翠帚笑東坡。  
心知吾道高深在。身入名山福壽多。寶瑟瓊簫殊好事。一筇五日踏三峨。

自題遊峨眉詩後

包奇孕秀勢難窮。絕怪青蓮語蹈空。太白遊峨眉山詩云絕怪安可悉一自怨王來震旦。於

今謝客少家風。千年石木雲中黑。五月山花雪裏紅。不乞仙人餐綠字。光  
芒筆底出長虹。

衷聖齋詩集卷下

老松

老松。假。蹇。似。仙。人。獨。立。陰。巖。五。百。春。靈。氣。得。天。成。虎。魄。占。心。閱。世。脫。龍。鱗。  
蒼。留。劫。火。無。同。輩。白。裹。山。雲。隱。半。身。木。異。不。才。能。久。壽。賴。他。堯。棟。在。風。塵。

白蓮

野。風。香。遠。忽。吹。回。一。片。明。湖。淨。少。苔。殘。月。自。和。煙。際。墮。此。花。方。稱。水。中。開。  
碧。波。瑟瑟。情。無。限。玉。佩。珊。珊。望。不。來。姑。射。神。人。藐。天。末。乾。坤。可。愛。是。清。才。

秋江怨別

懷。人。三。十。六。溪。灣。淒。切。涼。波。去。不。還。秋。色。蒼。茫。生。夕。照。長。年。蕭。瑟。滿。江。關。  
別。來。淺。水。吹。魚。處。望。斷。平。沙。落。雁。閒。苦。憶。停。橈。春。浪。軟。桃。花。時。節。好。容。顏。  
戊子三月赴京始發宿瀘州偕內子登忠山作

朝發家門前。晚泊瀘城濱。方舟卻思勞。聊樂攜綦巾。慷慨萬里役。挈家以東征。入世自茲日。均此灌園身。江雒方合氣。中幹盡青岷。攀憩善竒窕。豈必明知親。再拜武鄉廟。多謝侯夫人。何用佐澹靜。貌寢心則仁。回望我故山。正及桑田春。

忠州

水驛得日記。昨濟今日忠。嘉名芬千載。浩浩理則同。無實浪得名。傳籍可盡庸。此賢皆落落。今我何匆匆。功名各有自。身後天難窮。江山本無情。止著來去蹤。空霄遺點塵。劫灰積已重。一爲辨白黑。星霜敢銷融。蟬蛻仙之人。要在氛歷中。名教羣所赴。一往百川東。

一舟

自笑狂吟如醉僧。一舟萬里寄行滕。忠州酒香賽白傅。夔府日斜悲杜陵。

魄力掣鯨碧海水。夢魂飲馬黃河冰。山川南北有奇氣。史遷疎宕吾豈能。

瞿唐

盡喚蠻山壓客舟。甲鹽飛去入空遒。雙崖雲洗肌如鐵。一石江穿骨在喉。風靜魚龍排日睡。水還巴蜀接天流。漲時倒海枯時澗。安穩哦詩答棹謳。

峽中阻雨

詩心宜曲峽。更好雨如煙。江白孤槎客。雲烏一髮天。夜濤雷鼓沸。陰壁鬼車懸。百怪增奇氣。文章自古傳。

峽中見桃花

誰種白桃向青壁。花光石色相鮮新。繫舟江水無情地。到眼陰巖一笑春。都說行雲託神女。頗慚空谷有佳人。故山爛漫堆成錦。猶是蹊中來往身。

巫峽



忍盡經天淚。援聲不可求。大江隨客子。萬里送春愁。雲散川湖雨。風盤細弱舟。艱危多感慨。剩欲傲滄洲。

巫峽舟中望江上九峯

九峯含萬古。三月落孤舟。異境隨人改。春江自水流。憶青行客眼。看白美人頭。雪裏奇情在。當年此快游。

新灘

數里灘飛上。風連峽響移。大波頽作阱。長舸立如錐。水勢相天地。人心一險夷。空睂打箭過。翻愛鬼門奇。

晚泊漢陽

一舸楚雲寬。芳洲長蕙蘭。殘春浮大別。游子上長安。天地心孤往。江流氣自寒。高高北斗在。得有鶴樓看。

游思

馬。蹏。雜。花。遠。引。我。漢。江。濱。南。國。多。芳。草。東。風。長。白。蘋。緜。緜。遠。道。思。脈。脈。微。  
波。春。落。日。迴。車。處。空。懷。解。佩。人。

九江望廬山

落。日。九。江。平。長。風。萬。里。晴。湖。山。澄。戰。氣。吳。楚。變。潮。聲。秀。絕。依。南。斗。清。高。想。  
上。京。雲。中。五。老。笑。爾。願。世。閒。名。

天津弔謝忠愍公

子澄

國。步。多。艱。日。吾。鄉。得。偉。人。真。卿。動。河。洛。回。紇。滿。天。津。冰。雪。瑩。臣。血。京。畿。關。  
此。身。可。憐。塹。江。老。垂。淚。錦。城。闔。

京寓

市。聲。如。海。沸。宣。南。中。有。詩。人。聽。雨。傘。西。壁。聚。龍。眠。共。嬾。東。家。槐。蟻。戰。方。酣。

半閒斗室樓良友。三尺書牀課小男。何似瓦溝鳴竹葉。故園兄弟夜窗談。

憫忠寺

東海蟲沙劫。西方象教傳。英雄無起日。空色有諸天。鐘過古愁散。花深春夢圓。無端感時會。歸道謝祠邊。

天甯寺

一鳥將山色飛來。照眼濃空階。宜藉草高閣。恰無松雨氣。浮春塔城陰。入午鐘。何時攜屐去。徧蹋郭西峯。

繩兒生

時寓宣武門外繩匠街中開路西

呱呱聲不惡。恨少老親聞。苦我成孤露。生兒傍五雲。空同人定武。井絡士多文。何日賦歸去。榜山隨拜墳。

先大夫太恭人墓在虎頭山對岸刷榜山

送張安圃師由給事中出任桂平梧道

安南今已矣。粵西無苦師。多事見邊才。亦貴樞要治。東風吹柳條。農娜千萬枝。玉河始泮渙。曲折流冰澌。送公揖公車。安得左右之。孫公國元氣。外出豈所希。舉朝皆婦人。老海發狂嗤。當今聖明世。何處覓此辭。丹鳳鳴朝陽。光采流赫熾。回首望烏府。古柏生寒淒。丈夫立勳伐。端在艱棘時。古人苦開邊。守疆今不支。要當致太平。無用以爲奇。區中武不滿。實又非所宜。第也性迂狂。隱憂興嗟咨。公將秉大政。安用多言爲。亭亭獨秀峯。高照天南陲。

偕壻齋過萬柳堂

京國饒高柳。茲堂發古愁。地偏春一角。天澹韻千秋。老輩昌文運。吾曹善末流。年年青眼換。閱盡幾人遊。

懷錢辛伯先生揚州

江南公亦老。名士日下貧。如大布衣。鎖院律吹丹。鳳起璇閨棋。笑雪獮園。曾陪杖履松筠飲。爲道家山水石肥。二十四橋今隱去。竹西無限好斜暉。

九日京師

閉戶作重九。未須遊避災。天長餘弟妹。吾短在尊罍。令節攤書過家山。觸菊來。隱心秋共遠。多謝濟時才。

城南行

驅車過城南。草綠如波鏡。御夫指天橋。告余車馬競。朱門騁豪貴。王侯多綠鬢。畜眼識名璫。豪奴挾挺刃。長眉柳葉青。赤面桃花映。髻上綰瑤簪。腰中佩金印。綵轡飛飈連。香輪流波迅。火雷助聲燄。沙塵動紛囂。路有毆死人。可抵螻蟻命。將相勒馬過臺諫。盡阿順。余曰。輦轂下。乃有此暴橫。想見天上人。天心爲傾震。平時不法事。此閒猶謹慎。復言天不容其敗。一轉瞬。

先皇赫斯怒。降謂諸侯。訊穴社。技已亡。肆朝法。終正吁嗟。勞力徒粗。鹵識網柄。國朝好家法。祖宗實神聖。

### 美酒行

美酒樂高會。廣筵開曲房。風雷奪笑謔。山海究珍芳。歡氣之所流。引以日月長。中有餐霞客。逃席支在牀。嗟余不舉酒。天醉形能忘。去我壁上觀。縮我壺中藏。客言乃何苦。酸悽起肝腸。衆賓正歡笑。豈顧一人愴。云今東省旱。不下西省荒。告災有大府。蠲振來鄰疆。涸魚久失水。微雨豈蘇將。殺孩養老親。子婦誠何當。亦有成童兒。不值兩餅償。明知非我子。肉顫心已僵。恩愛彼非人。殘忍爲故常。荒年情景多。一一忍得詳。是孰能致之。天意眞茫茫。在樂爲苦言。當嗤子不祥。漆女隱在中。一擊紆軫影。後堂進高燭。攝屣來名倡。主人命射覆。還成賭百觴。

盜棗謠

月中紛紛落棗雨。聲急點繁。搥土鼓。人影疾溜。墻西頭。如猿果林。盜紅秋。  
上夜。金波泛空。紫花浸閒階。澹止水。嫦娥冷眼。噤窺之。覩觸竊藥當年私。  
人閒黑白迷形勢。文字勳名叩真際。曼倩坐雲。大笑人誰當。投核齊岷崙。

感懷

肯信村廬有是非。年來閱世學忘機。枕中車轂難妨夢。畫裏江船且當歸。  
北地有人耕陸海。西山終古送斜暉。驚心寒雁程三萬。似避刀弦併力飛。

重陽風雨志感

風雨情懷苦。驚心涕淚懸。又逢佳節。至空益去。親年黃葉秋。城裏涼蕉薄。  
枕偏橫窗菊燈影。疎落照無眠。

神山

神山飄渺在靈怪。肯猶人大鳥。搖孤翼。馴龍化。逆鱗幾存。變海意。一擲屬雲身。忍使風吹去。青珠散作塵。

### 百感

百感愁交集。羣生劫始過。壓雲龍氣鬱。迷月雁行訛。變相逃殷鑒。雄心誤魯戈。東方非野燒。神王火天多。

### 庚寅五月京師大雨水

天心不可知。水氣逼京師。北地江湖滿。太陰雷雨垂。浮沈爭萬命。傾覆剩孤疑。隻手成吁歎。蘆灰念總癡。

漂沒無人象。生存倍可嗟。衣裳浮蟻蠟。頭角變魚蝦。更倒爲巢樹。將浮貫月槎。不如翻并命。波底見全家。

聞說通州野。連宵雨合圍。亂聲城互應。一燼水同歸。在渚千頭聚。沖天兩



翼飛告災徧行省哀我止邦畿。

西山戊子水夜嶺下豬婆妖浪挾巖走鬼燈。然雨多人心饒陷溺陰氣兆。兵戈知有金源事。崩峯警若何。

與水爭餘地。何方補漏天。冰夷雲裏降。國命雨中懸。獸舞還金奏。鯨吞到餅捐。更堪龍伐木。宮殿尾闕前。

內戲歡賞雨。皇心憂乞晴。猶停一日。齟深感萬方。氓志氣能淵。塞疑承在。輔擎諸侯工。頌禱畏使聖人驚。

水疾傷元氣。陰浮損五中。何來醫國手。安事信天翁。熊見思南竹。魚菑覓鞠窮。病深今在髓。還願越人窮。

面面牆聲續。吾廬亦可哀。廈傾寒士戒。書浸古人災。沒馬悲泥竈。鳴雞避鏡臺。猶存已溺志。援手愧無才。

朝氣

朝氣回殘夜。清秋逼壯年。似聞波息海。憑是日中天。來事殷殷在。高愁渺渺懸。連林有松柏。已識歲寒先。

對月

蜀天夜雨長。年聽不敵京華看。月多憶弟有詩逢。白露攜家無淚似金波。魚龍啖影喧浮海。牛女分光笑隔河。怕帶故園秋色去。未教南雁渡滹沱。

秋夜憶弟

南檐鳴棗葉。機機警秋風。運極艱難會。天遙骨肉同。百憂鄉思外。無語月明中。安得書窗底。寒燈共草蟲。

遊翠微山

半日到西山。入山苦不深。瓊宮映丹壑。白塔出青林。微雲墮馬前。照我萬

古襟虎峯帶霞色。龍池轉松陰。暗泉穿寺來。如聽篋中琴。香界木蘭花。高  
櫺宿仙禽。珠洞漆僧體。柵風吹梵音。登高望天津。海氣生微吟。皇州忽如  
畫。白日西峯沈。空崖祕天魔。題詩滿朝簪。欣覩近臣筆。在山鳥不喑。崖壁  
有翁  
尚有云直陳吾終敬長貧爾豈愁一首鐘清世抱散樹古時憂。侵盧溝架長  
虹。令人想遼金山靈。對我喜相看。兩嶠歆多謝。西城月山中解相尋。

臥佛寺 有敘

臥佛寺唐寺也。枕京西迤北山麓。高崖如束茂松。斯挺伏泉靈草。  
淬神澹志。言宿于寮。感元至治閒。觀音保諫五華寺事。而今九月  
二十四日。黃州吳御史兆泰。因水災言事。僅得褫職以去。乃茲寺  
實近五華之陳址焉。延景致興。爲隱于懷賦此章。

一磐墮黃鶴。渺然還舊柯。天聲沈石籟。佛意滿杪櫺。與世宜醒臥。嗟余愧

小過五華思故事。雨露聖朝多。

臥佛寺夜宿聽人談關外形勝

西山青斷北山連。山脚南飛古寺前。但覩先皇行榻在。好尋臥佛共龍眠。  
夜涼空院杳。雨秋老雄關。鵬鵠天聞道。東邊急形勢。可能籌策學忘禪。

碧雲寺溪橋

峨眉雙峽水。龍洞冷蕭蕭。古寺滿京國。好溪無石橋。華雲棲塔秀。松雨響  
空搖。澗壑滋幽勝。家山况未遼。

登碧雲寺塔座有感

傑塔傳蕃式。名山鎮帝靈。雲通西域白。天蓋薊門青。海氣吹寥闊。人材  
數剩零。憑軒多遠想。高鳥去冥冥。  
是歲彭剛直曾忠襄  
文勤連下世

天億昌運觀

張永慕  
在焉

知有奄兒墓。幽尋廢觀難。柳風孤客遠。松日九朝寒。松多國初時植倦儘春雲去。荒添佛火殘。披榛讀穹石。亦作表忠看。

聽崔儀臣談黃山之勝

三十六峯雲。黃山天下聞。奇松與怪石。喜我得逢君。少日懷高鳥。何時斷俗氛。未勞猿鶴怨。方寸有移文。

儀臣惠黃山白朮

黃山有雲海。白朮雲中生。采之白雲窟。深我黃山情。孤鳥意何限。片霞身未輕。藉君靈藥力。松頂得飛行。

重葺張烈公墓詩

并敘

光緒十七年十月二十二日。盜發明兵部侍郎總督張公同敞之墓。獲焉。治如例。廣西巡撫以聞。奉旨下三法司議。議如之。墓在臨

桂縣城外十里北坐南向骨殖猶全由縣官斂而重葺之於是刑部廣西司主事劉光第閱題稿愴然慨之而賦詩焉

暴雷虺虺風騷騷督司之頭三躍高血身挺立肉倔強掉落豪帥手中刀  
督師太岳之孫子與瞿留守同日死留守還歸拂水巖督師就葬唐家里  
當時若無楊藝哭忠臣肉飽烏鴛矣里中生員唐兆祺世傳祭田祭督師  
自從乾隆賜諡後赴墓拜掃年年期日二十五月十一不知死日是生  
日昌平雲氣鬱橋山荆渚愁波連漆室何來地下摸金郎鬼氣所射綠眼  
芒手揮金椎唱青麥莫家兄弟不可當萬饑飲血傷陳魄忍動文武忠義  
骨此骨南撈半壁天前身北射中原月漢寢唐陵皆發掘玉魚金碗終銷  
缺青犢赤麋徒哽咽快哉三賊盡成禽實鐺依然殉靈窟憶昔瞿公隔屋  
囚四十餘日詩相酬形骸久已外天地留此大明土一邱虞山憑弔忘宣

墓陶公種梅賦詩句欲乞吾師買桂花補栽忠烈墳前樹

時張安圃署理按察使

京師菊花

斜街市中菊花至。炫奇鬪麗迎人意。頗驚花事亦知時。秋花能作春花媚。  
揚州芍藥曹牡丹。爾豈不耐山中寒。胡爲天然有佳色也。逐富貴來長安。  
裊露精神誰愛惜。傲霜節概空拋擲。低眉俯首二尺強。慚愧山中高八尺。  
山中之花偉丈夫。京師截花爲侏儒。瓊窗綺席供笑弄。朱門酒肉還遭汙。  
豈無熱官貌。秋士強吐瘦語終。肥蠶竹籬仰看爛漫時。冷豔蕭散神仙姿。  
野情高意迴出世。星冠佩珠揚翠鬚。冰天雪地愁香夢。冰仙烟火盆梅凍。  
寒花北來變本心。惟有青松還可種。

先祖生日感賦

祖年百五父七十。四十二十年幽冥。我生三十有四年。我子長者方四齡。

我子如我不見祖安知祖意傷伶仃含飴分甘古所樂此事獨缺於家庭  
惟我祖母抱兩孫猶及我身長半屏明燈吐花助微笑誦聲琅琅含喜聽  
八年我母駕雲輶但見我女嗟嬌姪竹筍穿苔抱龍甲桐枝刺天條鳳翎  
自來京國舉三子我母而在喜涕零月維十一日十九祖之陰壽亦薦馨  
我前拜跪兩兒後俯仰粗有吾模型小者半歲抱旁立眼射燭火如明星  
一堂精氣所凝結神會豈隔貌與形蜀南家山五千里吾弟隻影追先靈  
傳家潭水碧於酒春煖肥鮓浮可釘烹鮮斫脯攜上塚時有沙鳥隨歸舫  
鯤鵬雲海思已扁牛羊邱壠夢長經轉愁弟也將北上花落墓田空草青

白雪吟

大城凍色連虛空雪花初結人氣融須臾宮殿皓天上九陌十六城門同  
王侯螻蟻豈得別一皆蟄入於其宮而我高歌破屋底雪壓欲倒心清雄



清涼寶山思。一見秀發五朵寒。芙蓉峨眉石骨冰。作肉爛雲衣裳。不可縫。  
蓬萊左股愁凍折。梅花尙倚尋仙筇。不然千樹萬樹松。黃山之三十六峯。  
與酣赤腳踏冰上。或騎白鶴哦雲中。匡廬矐然五老翁。背負幾疊銀屏風。  
九關神童掩日角。一笑玉女開天容。大行雄起天下脊。掉尾忽落滄溟東。  
巨鰲戴山怪如瞋。燭龍銜火陰不紅。可憐王母眉如霜。雲情海思嗟方濃。  
石晶珠髓嚼虎齒。卷霹靂舌驚東公。君不見縞素風沙二萬里。粉本可畫  
無人蹤。黑子變作白彈丸。海東一點光濛濛。竦身若木望南北。萬古之事  
撞心胸。塊磊所畏玻璃鍾。麴生遇我偏無功。熱懷直欲煖宙合。自笑撥火  
身方窮。夜深煮茗鎖清絕。奇氣鬱盤多苦衷。不如敲門且高臥。待取南窗  
五丈之棗朝陽烘。

水仙

白石清泉供養宜。美人芳草化身奇。願波襪影分明見。風露衣香有所思。  
萬古別離湘女瑟。一篇忠愛洛神辭。如今北地花開早。願伴冰梅緩弄姿。  
次同指三  
閨稱水仙

寒宵京寓

靜氣澄懷抱森然。耳目明冰鐙。人影瘦霜角。月陰清。世事增慷慨。天寒念  
友生。懸心溪石坐。同釣夜橋晴。

雜詩

忽然中夜起。開戶玩清華。飛心入明月。太息仙人家。仙童飽魑魅。心血化  
清霞。玉女妙成雙。變爲泉與蛇。陰精雖不老。已蝕衆蝦蟆。姮娥擊白兔。正  
氣爲咨嗟。桂樹根蠹蠹。漸亦揚其花。我欲扶燭龍。銜火照陰邪。九關逢虎  
豹。坐歎淚如麻。

東海闊且深。中有一靈蝦。撐天長甲角。非龍亦非蛇。白波湧如山。噴沫驚無牙。青珠散作塵。吹空忽飛沙。婉變兩雌龍。海氣開清華。奉日出扶桑。陽恩周八遐。一龍歡遊戲。一龍鬱盤拏。蝦也迎其歡。虬螭無奈何。穉龍腹有雷。殺意通老鼉。裂之於青邱。乃不異井蛙。

登高望蒙古。言陟五臺山。北風徒能勁。立於冰雪閒。維昔蕩中國。飲馬長江邊。北失鄂羅雄。東誤蘇奴屏。出入五百年。勢積以鈍頑。弱人自亦弱。道豈如循環。幃房豈不親。隱貽屏蔽患。譬彼黃耆人。衣敝背已寒。頽陽澹澹下。我方悲外落。

天上生琪樹。託根極高寒。玉色光可鑑。奇香吹若蘭。招搖絳宮裏。旖旎瑤臺端。上枝抱神龍。下枝棲鳳鸞。中枝挂日月。嬉戲擲兩丸。排雲奏竽籟。華葉鏘琅玕。音聲一何美。天聽生清歡。裁爲六合柱。神工不肯觀。罡風忽吹

折王母獨心酸

窮陰滿八極。天地洩煩冤。太行裂石藏。倒寫飛泉源。泡泡出雲岫。袞袞下  
天門。巖寺怒飄墮。安肯問平邨。木石隨佛走。人馬同蛟翻。雨聲挾哭泣。中  
有萬鬼喧。神燈跳紅波。歡喜照老黿。妖孽不自作。所貴知變宣。陽剛抱龍  
德。陰氣散乾坤。主山遭厄圯。五嶽噤不言。嗟余坐危屋。神傷命斯存。

吾鄉李鴻猷。捧檄令赤峯。列縣無城郭。謠俗雜民蒙。蒙汗久蠹孽。都統貪  
且庸。煽之以亂民。馬賊起如蠭。蒙兵道路斷。官兵邨落空。殺燒所漏遺。逃  
山復嚴冬。飢火焚人腸。哀哉割面風。俱死目。猶視坐臥冰。雪中輝輝晶。玉  
顏慘慘土。木容豈不痛。僵踣血肉欣。完同躍焉忍。見之急馳過。鬼叢急威  
此。上帝民牧亦夢夢。幸色於咎責。乃內丁鞠凶。過都爲我言。使我淚如凍。  
靜坐觀物情。慨然發深羨。一欣爲驚人。再欣虎上殿。蜩蟬爭一閨。熱風吹。

怨。怨。飲。露。有。寒。蟬。空。腹。亦。爲。賤。蒼。鷹。飢。著。人。搏。擊。非。本。願。投。軀。啄。腐。鼠。何。時。縱。英。盼。六。合。一。梟。鸞。鵬。子。安。得。見。解。薦。獨。能。神。所。食。惟。苦。楝。

孔。雀。冲。天。飛。雲。日。散。光。采。一。朝。飢。無。肉。不。凍。長。呼。餒。樊。籠。一。似。羈。啄。腐。甘。自。給。食。蛇。知。有。毒。尙。負。奇。毛。在。文。章。止。悅。人。品。弗。登。鼎。鼎。驚。華。果。何。心。落。實。稍。見。悔。所。以。威。鳳。翔。九。苞。度。雲。海。

漫。漫。香。雪。海。梅。花。千。萬。枝。天。上。春。獨。早。亦。由。正。逢。時。何。來。蠟。梅。花。託。根。暗。相。移。弄。妍。雲。霞。地。拔。迹。水。石。湄。玉。女。燦。明。月。近。玩。天。人。姿。王。母。閃。電。眸。一。笑。難。嗔。癡。神。仙。煙。霧。中。豈。容。俗。物。窺。非。種。忽。鋤。去。園。客。惜。其。私。

姐。已。傾。有。商。褒。姒。滅。宗。周。天。意。信。遐。貌。女。禍。亦。因。由。慨。當。伐。國。日。獻。此。美。無。儔。山。川。享。精。氣。民。物。含。怨。愁。併。洩。於。一。身。鍾。物。豈。非。尤。方。寸。之。禍。水。胥。溺。及。九。州。顛。倒。怒。笑。開。恩。愛。藏。仇。讎。百。物。氣。相。制。弱。肉。與。強。謀。誰。謂。傷。人。

心十世禍未休。片情累萬族。念之淚交流。

神鴈擊惡鳥。靈獸觸邪臣。誰言物性蠢。智過於中人。猛虎戲山閒。鱷魚縱奇鱗。磨牙吮人血。鷹獸不敢噴。鞭撻驅迫之。乃用喪其身。皇天散形質。萬命各得真。哀哉使錯迕。長短何用伸。

道逢行乞人。自言舊湘軍。衣服鬻且盡。皮肉還垢皴。一從勦粵賊。立功救王民。轉戰徧南北。猛氣衝風雲。堂堂錫勇號。歸仍餓其身。諒山復斯警。應募走兼旬。資裝雖無多。親友意已勤。孰知功不酬。志欲清鬼氛。且圖飽戰飯。捐命答吾君。况聞鬼馬死。鬼妾號長裙。正可威南服。和議成遼巡。故鄉不得歸。又不死沙塵。含血空噴天。忠憤何由伸。且勿歎忠憤。乞錢周爾貧。國有封將軍。賜名爲溥侗。龍種異凡子。拔身金玉中。希聖識攸歸。向方且多通。感時每浩歎。憂國懷精忠。涕泣有所陳。小人勢已雄。上言皮硝李。下

言濟甯公天下久唾棄胡忍不決離內則有權閹戰安得有功帝曰女未知豈予小子衷予與汝徐徐可且爲悶蒙海雲升朝陽光映殿角紅引之跪近前慘澹親天容帝曰女勉哉匪直光國宗大廷實乏才參養諸疲癯將軍頓首謝感激厲匪躬問年十七八雛鳳鳴嗜嚙何意宗室內乃覩此奇童一木千萬葉青黃各不同一水千萬派清濁自朝東

北方有二鳥乃主在海壖羽毛各豐滿一飛皆刺天同巢卻異夢啁弄兩不然一鳥不知老甘腐偕鴟鳶性復解音聲歌舞鵷與鸞竦身傍神霄日月染癡頰飛星激枉矢尙戀青雲端一鳥抱仙骨所食惟琅玕八表高其翔天海知周圓文采照荒遐心力徹空淵羣羽自求穴但笑猛志偏併力掣其飛又不放使閒終借彼高名弗與惡鳥便鳳凰號大聖臣哉尙愼旗臣始悲天下天下亦悲臣哀哉劉陶言退然念其身一身雖不保讜議豈

空陳請爲時主吟。願一聽其真。帝非人不立。人非帝不甯。譬如頭與足。相  
須以得行。胡然假利器。艾刈於平民。耳無檀車響。目不鳴條親。天災豈切  
肌。震食非損神。一朝權去已。不得爲衆人。救亂須得智。扶危貴求仁。吁嗟  
此激論。允爲後世珍。良藥螫人喉。亦有安苦辛。荒君視熊膽。詰后視猩脣。  
文鳳見季世。鳴當不祥時。摧藏鐵毛羽。豈不惜彼私。洛城何曉曉。下有數  
棄屍。一士獨佯死。三日蛆上眉。亡命十五年。直性損憂悲。後來外戚誅。徵  
詔復得諧。老壽還卒家。藉問此爲誰。云漢杜伯堅。鄧后惡忠規。縑囊盛直  
士。殿上撲殺之。和熹豈不賢。根也實無疵。覽書見遺烈。千歲感我思。  
涿州有三坡。入山三百里。陰磴何險深。終古絕塵軌。雖乏桑麻秀。頗饒桃  
杏柳。外來販酒布。但換山羊子。金錢無所用。巧利將焉起。差徭所不到。鄉  
老坐已理。新婦禮亦苛。騎驢色悲喜。相傳流賊餘。竄茲闢榛杞。但聞滿州



興。遑。問。張。與。李。山。中。生。厚。善。頑。氣。盪。心。髓。日。月。照。老。壽。樵。牧。皆。黃。綺。與。世。  
既。無。爭。世。亦。相。棄。矣。何。必。桃。花。源。將。須。五。陵。水。

憂。端。橫。八。垠。溢。作。天。際。想。天。風。吹。余。夢。身。騎。白。雲。上。白。雲。如。奔。馬。躡。天。空。  
不。響。下。視。塵。海。閒。日。月。爭。磨。盪。萬。國。燦。可。數。元。氣。浮。泱。泱。所。嗟。目。力。窮。地。  
球。過。三。兩。極。外。還。人。世。星。中。有。天。壤。誰。能。造。化。根。攬。之。證。無。象。

三。古。聖。開。國。道。揆。不。可。變。斟。酌。通。天。人。輔。畫。盡。名。獻。嗣。王。廢。率。由。其。敗。忽。  
如。電。奈。何。後。世。豪。草。草。爲。征。禪。勢。力。奏。羣。雄。善。者。安。苟。便。何。必。待。敝。刃。本。  
始。粗。繾。綣。王。道。久。淪。亡。天。難。方。憲。憲。雖。有。老。成。人。由。行。亦。堪。賤。窮。通。貴。神。  
明。豈。不。在。英。彥。獨。傷。言。利。臣。變。法。而。府。怨。

勢。力。之。所。徒。道。德。之。所。都。人。氣。各。有。持。以。保。清。淑。區。龍。德。遷。易。姓。越。代。賓。  
王。無。海。內。一。世。家。大。與。溟。岱。俱。蟬。嫣。重。繼。體。崇。飾。開。蒙。愚。薪。火。續。明。光。果。

核傳芬腴。寶茲仁義。種懸的要人。趨奈何。教師宗。翻羨伶官。奴桓桓。冠劍身。蚩蚩傀儡。模隆汗。信有時行廢道。豈殊日月。亦有食。更仰在須臾。外邦富學祖。中州論精粗。法守已浮煙。道教須樹扶。可如貴溪張。襲封惟咒符。

壬辰九月偕袁吉雲

延彦王慕韓祖仁林康甫履莊

游翠微山二日而返

### 後二年康甫出西山紀遊圖記索題

虎頭換卻蛾眉長。龍尾不隨鼉骨霜。飄然落我翠微裏。何必把劍倚太行。昔者宗生寫臥游。直以名嶽收琴牀。撫絃山響得妙會。况我踏徧西北岡。欲將丹青貌斯景。所恨不得如長康。對君圖畫如見山。當時君我山中藏。林端孤塔疑白鶴。忽被笑語穿青蒼。玉蘭翠老丹楓香。寶珠洞頭望帝鄉。海天去鳥送秋目。落日一抹城闕黃。晚來僧閣臥山月。呼吸清露洗我腸。忽憶前秋宿唐寺。桺櫂雨打聲浪浪。大鵬盤天山海獵。

聽訥于襄談

威鳳背日

江漢翔

感興兆

併爲雄談殷鐘磬。欲閃臥佛碧眼芒。豈如此夕鎮清絕。幽

花無語眠長廊。仙巖瑤草朝可擷。肌髮翠潤松風涼。至今秋夢繞雲壑。耳  
根泉響猶龍塘。那知君已盡收拾。坐羨林岫紛在旁。我詩豈足污君畫。聊  
憑爪跡留飛光。

林玉珊惠雞毫筆

枯藤怪石空山幽。老人抱膝松下謳。忽如風沙怒胡立。稽戈挺戟森星眸。  
又如雲海襲金翅。風扇幽姿翻媚蚪。珊瑚枝剗鐵幹屈。誰臂寒蛟尻禿鷗。  
怪觀駭景塞胸臆。一一傾注來筆頭。轉平而奇。忽歸澹由奧。得峭俄入遒。  
此法入塵墜俗目。可嗟愚技空雕鏤。爲問出奇孰驚絕。寫師今有何道州。  
胚蒼乳繡隱規奪。攀漢揖晉爭泡漚。平原吾師有衣鉢。餘子碌碌安足求。  
我不學書識書意。過眼都似雲之浮。林君天授析雞羽。神妙吞吐秋毫秋。

鼠鬚鱗角失顏色。中山除國汝南侯。凡材善用變珍貴。萬物能乘須能收。  
邇來羽檄走東海。竹頭木屑紛隅陬。時艱盤錯需利器。毛錐肉食誰敢羞。  
安能盾墨作露布。倚馬淨掃挽槍愁。

庚寅除夕守歲作

歲積無窮意。全歸爆竹聲。帝城春浩蕩。先壘涕縱橫。薄宦風雲感。新年弟  
妹情。燈花成獨笑。的的向人明。

有感

京樹紅初動。鄉園綠早成。人情重離別。地氣忽縱橫。近說盧龍塞。真聞杜  
宇聲。朝廷長北極。空得壯心驚。

雨後杏花樹下作

雨過樹無塵。蟬聲忽著人。美花偏結子。幽草況留春。小立芳菲惜。觀空造

化陳隔牆車馬競。未覺妨吟身。

不酒思飲

入世酒能出。今來欲少歡。至無愁可說。宜得醉相看。災見天心厚。窮知國手難。故園花木笑。招我醒盤桓。

萬壽山

縣縣萬壽山。園莊枕其麓。宏規豈虛構。頤和祈天福。基扃盤雲霄。原野衣土木。鐵路穿宮門。電鐙照巖谷。百戲陳瑤池。萬寶走珍屋。每蒙王母笑。更攜上元祝。天上多樂方。奇怪盈萬族。維昔經營日。淫潦迷川陸。海雨吸垂龍。郵氓亂浮鷺。龍頭大如人。出水聽衆衆。偉哉烏府彥。涕泣陳忠牘。膏血爲塗丹。皮骨爲版築。請分將作金。用振災黎穀。天容慘不歡。降調未忍逐。海軍且揚威。嬉此明湖曲。仙人且弄姿。媚此西山綠。

寄之寄廬懷圃

誰能甘寂寞。自是惜芬芳。北地少修竹。秋人思拒霜。枝梧後自別。彌補漸無方。此意愁捫舌。垂時滿八荒。

京寓小園

短牆騎馬客難遮。栽竹嫌窺寂寞家。戴笠吟身藏日下。閉門生趣滿天涯。殘蔬雨過還新綠。老樹春遲得久花。剩有銷沈今古意。夕陽庭際數歸鴉。

屯海戍

驚鳥久不擊。金睛倦神霄。龍馬繫其足。空闊徒見招。矧茲屯海戍。本自異雄梟。股削雖已多。室家且逍遙。軍中有婦人。武事空蕭條。火礮止虛煙。揚旗憚迴颺。一旦飛羽檄。驅之度韓遼。我友充海軍。鐵艦嬉且遨。獨我迫東行。萬慘聚府焦。况忍訣妻子。中道相牽號。哭聲上干雲。下壓大海潮。入舟

一昌福排版  
要回。險不戰。心先逃。運舫猝被擊。潰亦無由跳。可憐羅練軀。挂臂鯨齒高。空令髮婦來。想魂祭波濤。大帥心有在。我方悲汝曹。汝曹死自悲。無爲怨聖朝。

遠心

遠心無雜迹。隨在得真還。閱世摩孤劍。圍書坐萬山。雪天生氣出。人海寄身閒。愧少匡時略。梅花且閉關。

隱思

楚縣今無苦。吳山尙有焦。信知時會在。未覺古人遙。江海自黃鶴。風塵後紫貂。客來如問道。矯首望煙霄。

不見

不見眞爲德。潛龍孰與期。天心非醉日。山氣大佳時。性命通魚鳥。妻孥戀

菽葵高情自出俗。多事綺黃芝。

得趣

得趣耕牧外。悠然泉石間。無名師苦縣。通隱笑廬山。功到兩儀塞。神垂萬古閒。早爲塵網誤。此骨失堅頑。

感事

白雲樓近接天關。空遣巫咸下問冤。王李風騷何濟事。都成陰鷲不堪論。傳經况得文儒賤。巧宦徒知獄吏尊。祇有西城無月夜。愚民猶哭未消魂。

送楊挺之

志立

之官深陽

金粟香中三百樹。桂湖秋水昔沿緣。新都失訪名賢後。京國論交性命連。朱竹垞驚孫北海。白雲史識惲南田。談詩讀畫情親在。無那離愁到酒邊。花之寺記隔年狂。各有心情付海棠。小宋醉騎紅樹上。子雲笑倒綠樽旁。



西留縣圃騷人去。東指朱方駟駕翔。獨把奇文誰共賞。出門惓惓日南坊。  
大邑財雄俗自矜。地連江海便鯢騰。肯將鞭箠威兒子。尙念車弓畏友朋。  
詩句定傳清似水。法曹曾共冷如冰。懸知風雨懷人夕。小坐清香燕寢凝。  
莫爲無兒歎老夫。得人爲治豈區區。多兄友事甯稱泣。五丈夫生早識罹。  
身外浮雲無點翳。掌中明月有還珠。秋來若報添英物。待詠黃家汗血駒。

送曾篤齋兵部培改官山東

山東今多盜。貴用武濟之。久傷老嫗仁。武亦不可爲。烏夷方跳梁。兵力頗  
不支。所急內地清。可縱椎埋兒。不觀勝國末。全力關東陲。終然覆神京。乃  
是賊米脂。曾侯古今懷。俊爽浮須眉。兵曹嫺文書。一笑不肯持。往往雜諧  
謔。以入憂時辭。行當求補外。去恤吾民私。規然書生耳。搏擊豈素知。要專  
用姑息。不足靖師師。側聞李巡撫。廉悍能扶欹。莠稗痛掃刮。良苗始華滋。

然後培養功。庶得次第施。漢時渤海盜。皆有田可治。惜農與亂民。分別差毫釐。曾候曉事人。豈在多語詞。盤錯見利器。歲寒稱勁枝。可待賊傷憐。而賦春陵詩。

厚村屢有北來之約年餘不行既書促之復寄此篇

雲間士龍西。廓空四海子。由天末同念。君不共帝城。隱秋風何事。吹飛鴻。黃葉打門驚。汝至白雲過。枕翻人意。道來不來中。然疑又不見。汝於夢寐。巫峽秋濤隔。遠書汝頗健。飯今何如。榜山松柏拜佳節。紫園花竹羅修廬。出門水宿更星飯。復苦風塵憚行遠。江海行人未有期。冰雪坐嗟成歲晚。今我欲歸視汝身。免汝朝夕懷遠人。身騎土牛動不得。口哦鵲鴿空自親。豈如吾弟來相見。一水天津好攜眷。我當迎汝到通州。且與先試潞河麴。難感

琴劍蕭條感壯游。酒杯不滌古今愁。空將意氣傾潯。豈有功名到漆猴。精力未衰能退筆。去來無礙不虛舟。靜中懷抱閒中景。落日無言下小樓。

遣憤

此屑真似鐵。甘以荷鋤灰。俗物何時盡。天機自爾開。異書兒共讀。寒菜客還來。心事能多少。方栽百本梅。

餞鶴

鵞鶴久招吟。西風滿故林。白雲依水靜。黃葉與秋深。歲熟便幽夢。天閒積遠心。淵明有高致。憑不厭追尋。

守拙

無才與俗違。守拙息巖扉。意思親田水。功名遠釣磯。相期我不喪。敢道昨真非。惟可野人說。無窮好夕暉。

聞人說永宰河決隄之異

河身溢水水決隄水中忽拋劍桑主乃是餓土壘如梯排空倒擊青琉璃  
萬目瞪駭誰敢提人言水怪此穴栖龍蛇戢戢相撞擠羣怒變作觸藩羝  
老輩助之聲鼓鼙爪脚力敵千猿猱不然亦碎百象犀何至顛窟於馱駝  
口門劄哆飛素霓一溜豈止萬鬼嘖地阜鱗甲人鳧鸞青天白日氣慘悽  
陰雲四掃無氛氳水從塞外高注低有似毒酒奔腸臍使腹忽裂爲朝蠟  
蠅蠹具湯不用竈蠟蠟酸死沈敗醢况兼妖物興無倪何仇仇民勝割剗  
何恩恩官飽醵谿安得寶刀磔鷗鷗生斫其頭左手提風吹朱血腥河泥  
其宮可清庭可犁有弩更能射鯨鯢輦轂近逼誅可稽神物不殺物不迷  
修德釋此天方濟

過蘆溝橋觀今夏大水情狀有作

蘆溝橋石高三丈。水壓闌干一丈流。拱極城低闌馬戶。御碑亭沒作龍湫。只知日月中天近。誰信江湖北地愁。我寄宣南猶破屋。當時聽雨臥牀頭。

送宋檢討

有仁

充英法等國參贊

海邦玉帛久相從。忽憶當年靖海烽。白日鯨鯢愁鬼國。熱河霜露泣文宗。似聞野火延空苑。真見花旗列峻墉。不盡萬方臣子恨。昆明戰艦有長龍。城下盟成劇可憐。一時心墜礮雷煙。毀車若得荀吳策。賜樂當知魏絳賢。烏啄九門空大屋。龍興百戰止窮邊。獨令爭畝煩元老。重惜先朝撻伐權。寶石珊瑚二品冠。誰持龍節駐機蘭。張騫鑿空徒驚俗。陸賈歸裝更美官。今日英雄資駕馭。古來蕃使有齟齬。旁人錯惜蓬山遠。正要蓬山海上看。已識邦交不用奇。逍遙且合在天池。少留縣圃須騷客。獨抱遺經向島夷。論語旁行新譯字。璿璣東法本相師。

西法實中法所流傳  
梅氏定九譯言之

流沙浩蕩青牛

沒吾道西來此一時。

水程八萬走雷霆。陰火潛然颶母醒。麟鳳十洲飛墨雨。魚龍五夜識文星。  
城侵玳瑁潮痕白。花抱樓臺海色青。想見螺房著書處。泰西從此有元亭。  
遠適殊方昔所悽。吾曹性命共提攜。預愁送別冰開鏡。卻憶談詩劍吐霓。  
四海文章稀日下。六官經緯落天西。君云須仍持所治局禮以往蒼茫家國無窮意。揮  
手春流散馬蹏。

送蔣達宣

茂璧

同年改官廣東同知

乙未

海東諸將新罷戰。海南詞客初游宦。今日得辭薇省深。去年幾賭桑田變。  
北極朝廷有中興。清時乞外豈無能。浪言杜鵑叫析木。回望金爵棲觚稜。  
何處蛟宮連蜃市。遙知嶺表風物美。韻高爭愛碧蠟油。內熱少餐丹荔子。  
佐郡蕭閒好讀書。壽觴况得傾浮蛆。願收天海入清抱。休向京華傷索居。

杏已生人。槐乍吐春明。柳枝攀折。苦萬里君門念銅狄。六年威海鳴倭鼓。我游羅浮將見招。題酒竹葉如芭蕉。君有詩卷兩牛腰。何妨歸攜二椰瓢。潞河舟夜

汎海舟中懷寄張大成孝廉清溪

煙臺高秋色。木葉落海清。九月余首塗。念子已在庭。迴風吹紫瀾。懷人在滄溟。繫心空天上。亦在西南星。知子思我時。相嶺對渺冥。去歲泊滄萬。共命輕揚舲。清嘯破月色。高談見天經。夔州花船歌。燈前巨魚聽。美人雜豪客。寫影江清冷。此景在目前。老趣仍茗亭。安得共番舶。險語驚百靈。借子倚天劍。一擊蛟龍腥。

黑水洋

龍窟高眠過。愁時一惘然。日光西倒海。水氣黑盤天。宣父乘桴志。師襄擊磬年。誰甘白鷗沒。萬里意纏綿。

杭州買陸放翁詩集卽題其後

二樊忠愛有遺篇。

樊南川

逸氣閒情憤所宣。南宋風騷猶此老。少陵衣鉢各

真傳。苦悲銅馬憂王室。閒跨黃牛學地仙。今日錢塘開互市。鑑湖行亦歎腥羶。

乘鯉門輪船至廣州

三日真成海不波。鯉門船已虎門過。地看北極浮空淺。天入南荒讓水多。去國未懷遷謫感。傷時聊誦遠游歌。珠孃姊妹爭宜笑。可奈江中袂袂何。

廣州



粵臺覽古日西斜。歌舫如山且看花。二八鬼婆交麗牒。三千盲妹鬪琵琶。是邦列種分魚氣。何處全城借蚌霞。爲問貪泉今幾許。五洲流徧浩無涯。

海色

海色濛濛裏。添余百怪腸。鵬蹲猶待扇。黿骨已先霜。終古還名嶽。憂時且異鄉。山隅真避水。夜壑有舟藏。

偕蔣達宣

茂璧

紫璠

茂瑜

游粵秀山過江觀海幢寺

臺畔呼鸞道。園中瘞鹿亭。故人連作健。詞客爛曾經。雨。秋。船。細。蠻。花。海。寺。腥。舊。聞。藏。舍。利。欲。並。越。王。靈。

舟過蘇村

蔗岸雲連綠。蕉田水映渾。礮車羅惠艇。帆葉拂蘇村。婦盡東坡笠。人虛北海尊。浮山如霧裏。醒眼看鵬蹲。

夜發峯市

飛巘壓灘聲。推篷且夜征。枕邊孤月吐。舟底百雷鳴。峯市詩偕過。京華夢欲成。何人擁燈坐。罷繡數江程。

望羅浮

四百仙官立。詩人笑比肩。雞鳴滿東日。龍力壓南天。海氣藏根腳。秋吟抵瘴煙。朱明問神洞。欲借枕雲眠。

羅浮山半大風不得上

海黑立長鯨。飛天壓母橫。地高筇共命。山好屐無情。造極關時運。乘危窄死生。懸崖邦士字。蒼翠讓鐫名。

羅浮山中聽客彈琴

一峯中作一晴陰。四百峯前客鼓琴。聽去雨風隨變化。坐來天海得高深。

松篁隔水分仙韻。猿鳥空山定。道心曲罷暮煙巖。壑滿樵歌踏葉出西林。  
黃龍觀

名山終古在。今夜宿羅浮。仙蝶人閒夢。黃龍洞裏秋。松聲涼作雨。雲氣曉成樓。徑欲捐疲策。茅菴此地留。

黃龍觀前梅樹高五六丈大數十圍殆數百年物也

竹葉似芭蕉。梅花落九霄。風吹絳仙子。月下醉瓊簫。性定炎天勝。香清瘴海遙。何人託冰玉。傭販到霜條。

宿黃龍觀

老人玉女二  
峯在其側

山雲如花爛成朵。花下老人迎向我。何來玉女秀無央。淡倚南天笑垂髻。  
衆山肩背生虛空。負天抱海光無窮。入之峯翠靜不散。萬綠浸眼無青紅。  
石磴蛇盤踏烟霧。幽泉如佩鏘余步。鶴毛蕭蕭墮蒼蘚。龍氣鬱鬱躋珠樹。

亂松瀑頂過吟身。一鷗空中繞詩句。黃龍道士粥鼓鳴。導我梅花林下行。  
指言香海五百樹。何用熱客來栽名。

浙江徐琪督學種梅  
羅浮道士嗤之云爾

夜煮砂泉瀹

瑤草雲臥。巖味清好。大聲滅火。榻忽搖。颶母東來。裂蓬島。浮山鵬鷗會。  
掀去南溟鯨。立相舂擣。但將心定。壓雷驚。肯使夢飛隨海倒。曉來雲漲白。  
成田。何處更尋音。野仙二峯送我下山去。老人玉女飛上天。

### 白鶴觀

仙人騎白鶴。招我傍雲松。白鶴叫海月。煙波千萬重。思彈綠水曲。遠寄青  
霞峯。猶恐冰絃裂。飛天舞八龍。

### 沖虛觀

丹竈泥留熱。靈池水不渾。神魚金石氣。仙蝶鳳凰孫。雲動高松響。巖閒瘦  
瀑存。黃冠住衰草。此日得重論。

冲虛觀

昔乘大葛山頭雪。曾訪稚川燒藥爐。萬里羅浮攜綠杖。千年鉛汞問丹書。坡仙亭畔峯巒好。祁隱池前花竹疎。夜半天風吹破屋。止防飛去八龍魚。

九子潭舟中作

片翠翦秋船。羅浮出稻田。坐來山送日。臥看客兼天。水鳥舂高下。溪牛盍後先。奇峯忽飛去。回首白雲邊。

博羅

孤客乘流望。人家住畫閒。汀中明綠水。城裏好青山。風雨龍新過。羅浮鶴已還。仙翁赤玉杖。招手在雲關。

朝雲墓

杭州昨飲蘇隄水。隄畔古餘蘇小墳。今日惠州湖上路。卻因坡老拜朝雲。

已無榕樹山長靜。欲采蘋花日又曛。一樣南荒不歸去。洞庭愁渺逐湘君。

### 南來

南來猶作故鄉看。暫到湘湖意已懽。邱隴四朝身盡拜。檜松千尺祖曾攀。逢人競說猴獠地。勗我承家獬廌冠。忽憶海疆新割去。愁時不覺涕汎瀾。

猴獠地在東坑赤土岡明僉事公墓在焉

### 過當風嶺

在武平北

神京已隔海漫漫。荒嶺雲生作瘴看。北地妻兒應憶遠。南中草木不知寒。壯游蜀客無難路。僻處清時有盜官。虎豹天闔况狐鼠。何時一著逐邪冠。

### 白雲山弔賴義士墓

真人入關神秀發。紅纓柘袍坐金闕。南中君臣若崩角。爭怪平西迎薙髮。辮繩三尺繫中原。誰扶傾天哭日月。况聞令下千雷霆。腰臂幾人膏斧鉞。

就中亦有逃空虛。頂上如蓬盡芟絕。爲存君臣亡父子。九有五倫同壞裂。  
武平賴生冠儒冠。誓將戴髮黃泉沒。白雲峯頭竟長往。孤竹魯連比高潔。  
猶嫌鵠子矜爪觜。止將鳬卵當薇蕨。雙鳬亦恥下山飛。高鳥高人關清節。  
何物鄉人鳥不如。陰斷其頭伺巖穴。河山百代逗興亡。風雨萬靈趨恍惚。  
心孤曾怨鬼神迷。項拘竟隨天地折。匹夫殉國古亦有。殺人不死三章缺。  
監司徒與賻金錢。里老至今祠石碣。我過家山弔巖谷。恨少神絃奏金鐵。  
但聞風籟响陰林。似悲故國還淒咽。殺身成仁心所安。析義要如筋入骨。  
蘇卿嚼毛不忘漢。大禹文身爲遊越。黃冠歸里儻得成。文山高操猶冰雪。  
瑞金龍頭山中

荒徑少人跡。陰林寒日斜。半身楓子鬼。四足狗嫌蛇。水白樓雲樹。山紅抱石花。殷勤覓龍角。何處訪仙家。

登南康府門臺望五老峯出郭觀王太守作湖厓水嬉

昔聞五老游河壖。化爲五星飛上天。何時風吹踏南斗。飄然忽在廬山顛。  
人閒混濁不可處。天上嘆息歸無緣。五峯眞骨秀日月。且住下界爲頑仙。  
仙人爪天天有痕。龍瓜十手摘天門。紫霄搏弄雷電掣。墮作宮亭湖內墩。  
海波春起磨石翠。滂欬散落翻神醴。隆隆背負東南天。落落日絕江湖言。  
我帆吳風向海嶠。獨上高臺炙清照。瀟溪考亭憑檻處。大賢往矣山空眺。  
鬚眉浩蕩尙依然。十四年前識吾少。如今憔悴爲阿誰。坐對名山語難妙。  
南康太守故鄉情。畫船鼓笛相和鳴。樓臺銜山野村遠。釵扇動日長湖晴。  
此時五老放天眼。飽看太守嬉承平。佳辰有酒好行樂。無若杞國憂天傾。  
明朝踏雲去。雲裏肯相違。且向青天團一笑。從他滄海有塵飛。  
聞雁念舍弟光筑北上未至九月八之夜也



月明滿地雁聲長。佳節思親倍不忘。有弟北來向江海。怪君南去避風霜。青山的的過吾土。黃葉蕭蕭在帝鄉。明日征驂如好到。陶然亭上作重陽。

贈傅桐激

傅侯去秋轉海來。手攜蘭草三百本。情知空谷異五都。要與騷人論九畹。此花宜種玉階前。此人翻避玉堂仙。欲把一麾乞作郡。何止半家輸助邊。此時瘦俗駭有辭。翰林主人蜀二奇。堂堂檢討參贊去。赫赫編修報効爲。羣馬爭軺比肥瘦。帖耳垂鬚戀賢豆。豈無騰蹋絕雲霄。已傷驚駭破宇宙。蕭條冀北空塵沙。王良伯樂亦已遐。龍性胡能不變化。驢鳴尙自相牽拏。琴彈花徑春風曲。劍舞蕉窗秋水綠。詩思風雲絕足隨。傅侯天機脫羈束。卜式乃相諸侯王。汲生何事薄淮陽。令人舌擗凌雲賦。誰知司馬是貴郎。

題紫芋建南行役圖

幾人賣畫長安陌。吾家紫芋聲藉藉。指頭千變出煙雲。戶外長年走金帛。  
忽然示我西川圖。自著閒身南詔客。令我披圖感慨多。萬里邊愁生咫尺。  
雙流故國悲蠶叢。新津大堰眠長虹。臨邛程卓今賢聖。欲鑄銅山祀鄧通。  
火井鹽泉盡英傑。橘官鐵祠真豪雄。相如空有凌雲賦。如花坐對嗟途窮。  
從此津塗更迴互。冰雪漫漫迷瓦屋。相嶺風雷響欬中。險過烏欏與赤木。  
經山青滿元熒藜。湯泉綠灌張鷟竹。籐盤筆秀富神姦。更說藥綰盛番族。  
黎州五十四生羌。埋奴砍狗牛皮黃。李承舊署都耆帥。任貴自稱中穀王。  
哀牢犯徹古亦有英。俄今逼西南疆。將軍邊事足摹寫。節度可有韋南康。  
漢唐陳迹紛在眼。拔劍高歌心慨慷。我亦東南倦游耳。仍隱王城鑽故紙。  
叱馭心雄漢大夫。頌雞文謝資男子。頗慚負努驅縣官。肯歸建節橋孫水。  
惟當把筆記。君畫補入嘉猷圖。說裏君不見冰洋誰去持。節旄畫界棄邊。

罪莫逃

徐蔭軒師八十

共祝大椿年。琪花照壽筵。良知通草木。家學貫人天。

師少時有句云窗前梧葉階前菊盡是良

知披露時大爲悲勸公所賞

報國精誠在。趨庭妙悟傳。蒼生能證聖。况乃萬邦賢。

若生萬邦

幾用鄭

帝詔下天衢。臣髫鎖院趨。春官先主宰。東海老師儒。文豈忠肝露。情知法眼孤。猶慚彭子佩。便坐少親扶。

憶昔中興日。何人啓嗣皇。格心儕尹傅。阿世異匡張。斷佞今無劍。和戎累抗章。此中原不動。憂國總難忘。

髮白時危裏。真才得儘難。不須靈壽杖。無負進賢冠。世局紛誰了。心光炯自看。老成延國命。止在用人端。

答激蘭觀余宅杏花見懷之作

主人已出客不來。主人未歸花自開。花開客到嘆復去。爲問主人何日回。  
高檐杏株大如斗。亂綴繁葩照空牖。隔牆游騎幾回看。繞樹何人千市走。  
對花憶我示情親。高生未老詩有神。草堂梅柳入佳句。我豈東西南北人。  
歸來綠葉陰簾幕。一篇重讀懷人作。上客烹葵未見招。人家看竹何須約。  
明年花下句同參。春雨江兩味飽諳。愧無好語繼梅老。醉翁激賞春酣酣。  
厚村還蜀作詩四首送之

北風三日吹倒人。冰土慘裂乾無塵。羣雀蟄簷老鴉伏。何當送遠平生親。  
路人寒縮弗忍顧。况我與子同一身。豈無衣裘覆爾體。亦有羊酪偕禽珍。  
中原風雪幾千里。日歸遣此搖落辰。恆山沙堅血馬足。黃河冰合舫龍鱗。  
秦關蜀道更險苦。使我別夢隨歸輪。可憐欲別未別時。強作慰語含悲辛。

袁聖齋詩集

卷下

二十八 蜀燕之一

昌福排版

水仙初苞。膽瓶涼。梅花雖笑慘。不春常時。每詔丈夫志。對汝今爲兒女仁。  
別時弟作家園圖。動我鄉愁涕如屑。池中鯉魚長尺半。竹閒好鳥調新舌。  
霜清龍目爛垂珠。月冷梅枝曲蟠鐵。對花遙憶種花人。往往空樽過佳節。  
嬌兒七歲長都中。吐語已如嚼冰雪。泚筆題詩滿其上。亦說思鄉情內熱。  
落句直仿離騷經。作書還擬龍門闕。當筵驚起老兄弟。一笑別腸幾拗折。  
京洛風塵緇客衣。榜山松檟青墳碣。何時攜兒歸拜塚。且與園花說離別。  
孤鴻分飛寡鵲翔。我有一妹稱未亡。頗聞撫子在嬰幼。乳點淚痕淒斷腸。  
自生女子名桂仙。想見了角簪花長。生平未覩夢不得。安得抱之置膝旁。  
今年三十妹初過。早梅十月含冰霜。一妹以十月生今年甫三十守志已數年矣杯盤燈火亦  
無分。空寄壽簡稱甯康。妹顏豐皙身頗健。不如弟貌瘦以黃。弟歸豈免問  
及我。髮凋齒豁心空強。一官奪守表彥章。四句稱翁學歐陽。會當罷去返

鄉井免與骨肉遙相望。

上界仙人足歡喜。萬頃瑤池開玉鑠。手提日月擲坤圖。虎齒磨天嚼珠髓。  
青鳥黃鳥啄蒼昊。光倒八極垂九尾。不惜海山吹作塵。睽睽旁窺攢萬鬼。  
鞭撻神龍答紫鳳。溟嶽傾簸翻雲水。星宮羽從酣瓊漿。神仙飽食愁不死。  
猛犬狺狺吠閭闔。欲射天狼乏長矢。剖心噴血請羣命。那信濁河清淚泚。  
茫茫塵世向誰言。吾弟聰明差得擬。山中去掃舊茆廬。待吾歸纂游仙紀。

送唐融川大令

宗海

之任來賓

清端昔論羅城書。赤腳坐臥幾不興。水湯山劍更烟瘴。獠獍伶狼弗予憎。  
薦章遂有合州行。澤州相國史筆矜。堅剛澹泊豈無自。動忍直比龍場丞。  
後來左侯督陝甘。大書茲書以厲能。乃知從僕環泣時。無異講學相凜兢。  
吾鄉唐子令來賓。喜無同年勸繳憑。羅城咫尺芳規在。清官有譜知相承。

老桑怕奪柳州席。掀髯一笑豈所朋。況子活人有奇術。餘事亦並荆關稱。  
我帆南溟上羅浮。陽朔山水到未曾。政閒試寫象州山。寄將無惜墨一棱。  
京師蔬菜有最美者漫賦

關東鱠鯉骨堆霜。靜海銀刀爭雪鉞。鹿麕羸蛤並箱舌。猶報菜園衝破羊。  
平生自笑藜莧腹。飽飯生謗作奇福。共指前身是戒僧。重拋蔬筍將梁肉。  
中央混沌常所家。飲絕沆瀣餐明霞。腐儒猶愧蟲蝕米。腥羶敢以置齒牙。  
何況雀鼠侖太倉。人材迂鈍空踏衙。自鋤片地試蔬蕨。胡盧挂鴨豈懸蛇。  
風中撲窗滿蝴蝶。乃是抱簷籬豆花。韭肥蔥壯肌玉雪。藥譜兒臂雕菰膝。  
北地冰霜少蔓菁。瓢兒菜好甘如蜜。妻子澹泊豈足賢。都門晚菘天下傳。  
飽食長祝太平年。不識國危吁可憐。草根樹皮食已絕。故里哀鴻眼流血。  
送桐澂之任鳳翔族弟剛甫同往

去年送弟長新店。北風祇攪情親念。今年送友蘆溝橋。晴雷乍起立魂消。  
夕照如花紅萬柳。我但哦詩不攜酒。高輪動山蹠十丈。疲羸蹴踏爲龍象。  
活畫西垞送別圖。平沙亂影爭磨盪。使君五馬籜雲奔。幾回迴首望金門。  
北極長思鼂足穩。全秦漫詔龍頭軒。岐山王氣莽蕭瑟。丹鳳文章躍初日。  
莫愁棲跡老梧枝。惟要剖心當竹實。吾宗令弟學揮翰。定有新詩擬八觀。  
家在閩汀九千里。從今夢繞滄溪水。蘆溝清月向人猜。汝送行人已再來。  
相思寄我與將去。渾河不肯折西回。

送雲坳出守梧州

帝二十三載丁酉。二月春寒雪猶厚。垂楊無葉杏無花。似怕離筵照杯酒。  
吾家雲老古遺直。十年簪筆今懷綬。共欣譽嶠得循吏。卻恨京華失良友。  
伯起金來揮臂謝。阮公錢入掉頭走。利風百竅中人身。國脈一絲懸鬼手。



幹旋天地雖無力。排擊風霜猶有口。頗聞周子道期期。頗見史公呼否否。  
豈無狐鼠畫。侵人往往遇之遭。刺剖海風吹晴插南斗。泮江水暖生珠母。  
漫言勾漏產丹砂。氣足神完知此叟。邇來疆域苦分截。日南一綫思縈紐。  
黑烟番舶走雷霆。青嶂獠人驚洞牖。良二千石古所重。但結民情固封守。  
久識銅駝會荆棘。且令頰尾閒篋罍。鬱林試訪文山文。羅池莫讓柳州柳。  
楚枏大令將行。因其乞詩作此以贈。

黃生讀書無所用。天上玉堂真昨夢。縣官雖好不救窮。何如貧人登破甕。  
男兒今日重錢刀。引商自穢亦自豪。不向人閒剗皮骨。端從地底吸脂膏。  
玉乳瑤漿白銀髓。言之津津兩眉喜。寶明碧眼壓波斯。利析秋毫走桑氏。  
君今去過齊魯墟。試弔夷吾訪逸書。爲我一問魯中叟。連騎弟子今何如。  
欲說五洲彼龍戰。將攀九天臣蠚賤。儒林循吏皆掉頭。惟有傾心貨殖傳。

梨栗棗菰抵侯邑。况君千畝山四十。西州大賈推細胡。那愁穿背英俄入。  
郡守思營什一方。當時有鬼笑其旁。若把通商議逐末。國家安得南北洋。  
宋家新法研紅穗。與君同抱光明志。待翦秋蟾照夜窗。便余細勘農書字。  
先是宋崇子檢討將集股還洋蠟

送鄧暢甫亭先員外歸湖南

楚山北雲漫空起。燕山春色黃塵裏。東風一棹撥雄心。美人已隔湘江水。  
臥聽空山杜宇聲。知君忠愛有餘情。只愁竹淚斑斑滅。沅沚湘蘭不忍生。  
輓劉雲均太守戊戌

南斗宵晴北斗陰。故人天遠共離心。半年別去添吟望。萬里書來只計音。  
翠老柏臺霜氣黯。花開桂海瘴雲深。龍池凍合鵬風熱。併入羸憂那得禁。  
額闌無力感衰年。補外翻爲互市煎。起陸龍蛇方左海。當關虎豹更南天。

人閒動色談金榜。地下埋憂避火船。聞說伯康新厭世。相從拊背樂黃泉。  
與人骨肉總傷神。慚愧周詩棣鄂親。難得公爲儋豆地。劇憐吾亦閱墻人。  
言如金石真先輩。氣挾風霜本直臣。予季到今猶雪涕。老蒼凋去益天倫。  
不忌寒蟬見諷余。時危且讀父之書。平陵請劍追龍比。中壘傳經隔虎渠。  
合疏裘成千腋好。一呱性散百骸初。當官論學平生在。忍過宣南佛子廬。

右裴邨劉先生詩二卷吾師杜先生之所次也詩舊分四體自題衷聖齋先生歿後鄉人在京者傳逐寫之蓋先生所嘗用以視人者也吾師初得寫本後自其家取所有真草諸本以校大抵同以爲此先生所手定過去非宜乃用編年之法比之而易之曰介白堂云鑑竊聞之人先生嘗曰余與杜某論詩最合他人不能及吾師與先生交最深論詩又最合其爲訂其遺詩固先生之志也獨惜昊天不弔寫錄未成哲人遂殞其意旨無由達之人人爲可喟也九原可作吾將起吾師而問之

光緒癸卯三月鬱心鑑識